

S T E N O G R A M

**11. Hitne sjednice Skupštine Kantona Sarajevo, održane u petak
02.11.2018. godine sa početkom rada u 09,00 sati**

Predsjedateljica Ana Babić(u daljem tekstu predsjedateljica):

Otvaram 11. Hitnu sjednicu Skupštine Kantona Sarajevo. /HIMNA/

Pozdravljam sve uvažene kolegice i kolege zastupnike, naravno članove Vlade predstavnike medija, goste i nadam se da ćemo ovu vanrednu, odnosno hitnu sjednicu Skupštine raditi sa jednom velikom pažnjom i sa dobrom i ugodnom atmosferom.

Prije nego što počnemo sa radom molila bih vas da učenjem Fatihe i svako na svoj način odamo počast našim stradalim, poginulim, odnosno ubijenim Adisu Šehoviću i Davoru Vujinoviću. Neka im je rahmet duši i pokoj vječni.

Prema evidenciji naše Službe sjednici prisustvuje 24 zastupnika, što je sasvim dovoljno odlučivanje i rad.

Izostanak sa ove sjednice opravdali su: Semir Halilović, Mersiha Mehmedagić, Haris Pleho, a kašnjenje je najavio Izudin Bajrović

U skladu sa članom 71. Poslovnika konačnu odluku o utvrđivanju hitnog karaktera sjednice Skupštine donosi Kolegij Skupštine.

Kolegij Skupštine Kantona Sarajevo je na sjednici održanoj 30.10.2018.godine utvrdio da postoji osnov za sazivanje Hitne sjednice Skupštine Kantona Sarajevo i utvrdio termin održavanja 02.11.2018.godine u 09,00 sati.

Shodno naprijed navedenom Prijedlog Dnevnog reda 11. Hitne sjednice Skupštine Kantona Sarajevo glasi:

1. Sigurnosna situacija u Kantonu Sarajevo

Molim vas da se izjasnimo o današnjem Predloženom dnevnom redu. Otvaram glasanje. Zaključujem glasanje.

Konstatiram 22 je bilo ZA niko nije bio protiv i niko nije bio suzdržan.

KONSTATUJEM DA SMO USVOJILI DNEVNI RED OVE HITNE SJEDNICE SKUPŠTINE KANTONA SARAJEVO.

Sada prelazimo na realizaciju ove tačke.

AD – 1.

SIGURNOSNA SITUACIJA U KANTONU SARAJEVO

Sada pozivam ministra Mulabdića da podnese uvodne napomene. Izvolite.

Ministar Vedran Mulabdić:

Poštovana predsjedavajuća, dopredsjedavajući, uvaženi zastupnice i zastupnici u Skupštini Kantona Sarajevo, cijenjeni premijeru, kolege ministri, poštovani građani Kantona Sarajevo koji pratite današnje zasjedanje putem malih ekrana, sve vas srdačno pozdravljam i želim uspješan rad današnje sjednice. Današnja hitna sjednica Skupštine Kantona Sarajevo sazvana je na inicijativu Komisije za sigurnost Skupštine Kantona Sarajevo a o čemu je Odluku donio Kolegij Skupštine Kantona Sarajevo na sjednici održanoj 29. oktobra 2018 sa jednom tačkom dnevnog reda, a to je: Sigurnosna situacija u Kantonu Sarajevo. Kada govorimo o sigurnosnoj situaciji na području Kantona Sarajevo, odnosno prije same ocjene sigurnosti, analizira se

nekoliko parametara na osnovu kojih se ocjenjuje kako je stanje sigurnosti. Upravo analizirajući te parametre a na osnovu službenih evidencija koje se vode u MUP-u Kantona Sarajevo na području kantona u periodu 2014-2018 godina evidentirano je smanjenje ukupnog broja krivičnih djela za otprilike oko 30%. također na osnovu statističkih pokazatelja stanja u oblasti kriminaliteta, javnog reda i mira i sigurnosti saobraćaja na području Kantona Sarajevo, za period prvih devet mjeseci o.g. Može se ocijeniti kao zadovoljavajuće. Naravno, svaki nemili događaj iz bilo koje od naprijed navedenih oblasti stvari kod naših građana zabrinutost i percepciju nesigurnosti. Međutim, ne možemo zanemariti ni činjenicu da se suvremeni svijet suočava sa velikim brojem sigurnosnih izazova, a što se reflektira i na BIH, a i naravno na Kanton Sarajevo. Takav jedan gnusan događaj svirepo i podmuklo ubistvo naših kolega, časnih i ponosnih policijskih službenika, Adisa Šehovića i Vuijnović Davora u značajnoj mjeri je narušilo sigurnosnu situaciju na području Kantona Sarajevo. A kod naših građana je prouzrokovalo uznemirenost ali i u velikoj mjeri revolt koji je rezultirao okupljanjem građana u centru Sarajeva kao i odlascima na lice mjesta, gdje se ovo gnusno, svirepo krivično djelo i desilo. Upravo je ovaj gnusan događaj ono što karakterizira posao policijskih službenika, težinu, rizičnost i specifičnost koja je evo u ovom slučaju kulminirala ubistvom naša dva pripadnika. Međutim, ni pored toga, službenici MUP-a Kantona Sarajevo su spremni i odlučni odgovoriti svim sigurnosnim izazovima kako bi se naši građani osjećali u svome gradu. Ja bih ovdje iskoristio priliku da skrenem pozornost građanima koji u određenim situacijama dolaze u neposredni kontakt sa policijskim službenicima da iskazuju malo više uvažavanja i poštovanja, kao i razumijevanja da izbjegavaju verbalne komentare koji često znaju biti uvredljivi a naši policijski službenici to uistinu to i ne zaslužuju. S distance uslova u kojima naša policija obavlja svoje odgovorne i zahtjevne poslove i zadatke, imam potrebu da vas upoznam da je Vlada Kantona Sarajevo u proteklom periodu učinila značajne napore u smislu nabavke potrebne opreme kao i MTS-a za rad naših policijskih službenika, a isto tako je po prvi put, na žalost, po prvi put, evo 20 i kusur godina od postojanja i ove Vlade, i uspostave Vlade i samog MUP-a Kantona Sarajevo izdvojila sredstva novčana sredstva, evo konkretnije 2 miliona KM kako bi se i konačno riješilo sjedište, odnosno novi objekat MUP-a Kantona Sarajevo. Moram istaći da jako, jako neuslovnim uvjetima rade naši policijski službenici. Ja bih za uvod toliko uz konstataciju samo da je, ne vidim policijskog komesara ovdje, vjerovatno je ispred, Uprava policije MUP-a Kantona Sarajevo je pripremila materijal za ovu hitnu sjednicu, radni materijal, koji se sastoji iz dva dijela. Prvi dio se odnosi na stanje sigurnosti na području kantona za prvih 9 mjeseci o.g. A drugi dio se odnosi na Prijedlog mjera u cilju poboljšanja same sigurnosti odnosno sigurnosne situacije, dakle sigurnosti imovine i građana Kantona Sarajevo. Zahvaljujem se na pažnji.

Predsjedateljica:

Hvala lijepo uvaženi ministre Mulabdiću. Sada dok komesar ne dođe, evo uvaženi premijeru Zolj izvolite.

Premijer Adem Zolj:

Uvažena predsjedavajuća, zamjenici, dame i gospodo, mir s vama, tako sam počeo, pa evo, možda završimo tako. Prije sedam dana nas je dočekala ova vijest koja nam je poremetila sve u radu ove Vlade, i svi oni naši planovi koje smo imali sve što smo planirali za tu sedmicu, sve je poremećeno, a valjda je to tako usud ove naše BIH da svaki naš čovjek je nedovršena priča ili nesnimljeni roman. Tog dana saznajemo da je Adis ubijen, da je njegov sin upisao Policijsku akademiju, a da je Adis kada je upisivao Policijsku akademiju njegov otac bio ubijen '95. sudbina se stvarno poigrava. Na mezaru, znači bio sam i na komemorativnoj sjednici i na sahrani i na dženazi, na mezaru Adisa Šehovića prilazi građanin i kaže halal ti bile sve one kazne koje si mi napisao. Znači radi se o poštenim, pravednim pripadnicima ove naše zajednice. Mi tu moramo naslijediti. Priđete onda Alisi, supruzi Davorovoj ona kaže taman je bio planirao sa sestrom na Dan mrtvih da obiđe grob oca. Eto sticajem okolnosti posjetili su njegov grob na

Dan mrtvih. Tog petka ujutro, prije znači sedam dana trebalo je da planira sa suprugom Alisom je što se kaže i Davor trebali s planirati za vikend kao što svi mi ovdje tako radimo sa našim porodicama kada dođe taj petak planiramo vikend gdje ćemo, šta ćemo. E to je prekinuto. Sve porodice radosne i sretne na isti način. A sve tužne su tužne na svoj način. I tuguju i jedna i druga, i još ove tri porodice od 98 godine ubijenih policajaca. Mi smo se odmah opredijelili za novčanu pomoć da bude za svih pet porodica od 98 poginulih, ubijenih policajaca na svom radnom mjestu, časnih, poštenih ljudi. Vlada će to nastaviti i dalje. Naravno prije sedam dana odmah je bila vanredna sjednica, odmah je bio taj segment sindikata, socijalne pomoći i porodicama i djeci, oko stipendija sve je to dogovoreno. To je jedan segment. Drugi segment je bio prema komesaru i prema MUP-u prisutan je bio i federalni ministar MUP-a da se organizira aktivnosti na privođenju onih zločinaca koji su to uradili, u kontaktu smo stalno i sa komesarom i sa ministrom. I sa ovim nekim drugim institucijama, agencijama, da se ovo završi što prije, privođenje ovih zločinaca. Ja se nadam da će to biti, ima nekih naznaka, da će to biti veoma brzo. Jedan dio je već to obavljen i da će se to kompletirati do kraja. Vlada kantona s obzirom da se radi o nacrtu budžeta i o svemu, sve one koje dostave sve od PU i od MUP-a uvrštava u ovaj nacrt budžeta. Sve što je bilo i oko te zgrade gdje će biti taj kontrolni centar, to je preuzeo ministar MUP-a da s općinom Centar dogovoren koju lokaciju i vijećnici ovdje koji sjede da usvoje to a Vlada kantona će predvidjeti novac da se uradi to. Da se uradi sva oprema koja je potrebna, da se sada preraspodjelom bilo je nešto oko sistema radio veze koji će se uspostaviti, koji neće moći ovi zlikovci, kriminalci upadati u taj sistem da on bude zatvoren sistem i da će pomoći još do kraja godine i za realizaciju tog projekta. Pomoću samo onome što od nas traže kompetentne institucije a to je prije svega ili komisije sigurnosti ili nekakvi drugi aspekti ovog našeg društva bezbjedonosnog sve što kažu da je potrebno to će Vlada kantona uraditi. I boljoj jednoj sigurno opremi obuci nabavka naoružanja, procedure su u toku, sve to ide svojim tokom. Naravno mi ćemo učiniti što je do nas. Šta je mogla društvena zajednica uopšte uraditi da se ovo ne desi. Vidjeli ste u ovoj informaciji statistiku od 2010 broj ukradenih vozila pada. I to je bio i izvještaj i komesara i ministra MUP-a u četvrtak i vidjet ćete ono dole situacija je zadovoljavajuća. U četvrtak 25. ujutro 26 sve to pada u vodu čim se desi ovaj slučaj kao što se desio. Znači to je poljuljalo tu ocjenu čim su ubijena dva časna čovjeka ovog našeg društva. Naravno to sada uz jedan mir, sabur što se kaže, podrazumijeva pojačane aktivnosti, na otkrivanju ovih počinilaca i na bolju organizaciju našeg sigurnosnog sistema. Uvijek se pita jeste li zadovoljni, ankete ovo ono, kakva je sigurnosna situacija, kakva je, mislim da ona je do ovog 26 bila stvarno zadovoljavajuća. Naravno, ako kompetentne nadležne institucije kažu da treba poduzimati neke druge mjere prema Vladi se uputiti Vlada će sigurno, govorilo se o vanrednom stanju o svemu ostalom neka se to uputi, Vlada će uz neko obrazloženje sigurno to razmotriti i poduzeti odgovarajuće mjere. Naravno bila je to i kvalifikacija ja kažem uvijek o kompetentnim institucijama da se obrate. Bilo je odmah u subotu trčanja sa općinskim vijećem, evo teroristički čin, eto teroristički čin. Ne može jedan načelnik kvalifikovati nešto terorističkim činom u subotu a u nedjelju primjenjivati teror. Ne može. Znači kompetentna institucija treba da kaže Tužilaštvo treba da ocijeni o čemu se tu radi. Sve o no što je potrebno, obilazio sam mnoge gradove i se ostalo, znam s aspekta ove sigurnosti iz saobraćaja i bilo čega šta se može poduzeti. I te neke mjere sigurno su ovoj informaciji. I Vlada će ih ispoštovati sigurno da se to uradi. Znači očekujem i od vas sa konkretnim prijedlozima, mi smo dali MUP i komesar su dali određene prijedloge, znači čitav taj tim je dao određene prijedloge, po meni onaj smisleni prijedlozi i mi ih već kažemo uvrštavamo u nacrt budžeta. Sve ostale prijedloge ćemo sigurno prihvatiti i kažem vrijeme je sa aspekta tog nekog finansijskog je vrijeme da se daju ti prijedlozi i da te možemo uvrstiti u Nacrt budžeta za 2019 godinu. Ja bih samo toliko. A komesar bi trebao konkretno o ovoj informaciji da iznese pa da i on iznese konkretno ove prijedloge. Ja se nadam da ćete ih podržati ili još dati neke druge. Eto, hvala.

Predsjedateljica:

Hvala lijepo uvaženi premijeru Zolj. Evo mi čekamo uvaženog komesara, sa predsjednikom Komisije za sigurnost u vezi zaključaka. Pa možda pauzu jednu od pet minuta samo da dođe komesar evo.

NASTAVAK NAKON PAUZE**Predsjedateljica:**

Pozivam uvaženog komesara Halilovića da nam se obrati. Izvolite uvaženi komesaru.

Komesar Halilović:

Poštovana predsjedavajuća, dopredsjedavajući, dame i gospodo poslanici, uvaženi gosti, predstavnici medija, sve vas pozdravljam. Događaj od 26.10. kojom prilikom su dvojica pripadnika Uprave policije MUP-a Kantona Sarajevo izgubila život prilikom izvršavanja redovnih poslova i zadataka je narušilo bezbjedonosnu situaciju na području Kantona Sarajevo. U odnosu na ovaj događaj Vlada Kantona Sarajevo je razmatrala Informaciju o stanju sigurnosti za prvih devet mjeseci sa osvrtom na ovaj događaj i zaključeno je da je neophodno u narednom periodu preduzeti određene mjere sa aspekta i nadležnosti uprave policije kada su u pitanju krivična djela teških krađa motornih vozila. Problem teških krađa motornih vozila na području Kantona Sarajevo egzistira i prisutan je već duži niz godina, u raznim periodima ova krivična djela su okvalifikovana kao krivična djela teških krađa, organizovanog kriminala da bi evo i najnovijim događajima kada je u pitanju pogibija ove dvojice policajaca poprimila i najteža krivična djela a to su krivična djela ubistva na štetu policijskih službenika Uprave policije. Situacija kada su u pitanju krivična djela teških krađa motornih vozila na području Kantona Sarajevo u periodu evo uzet ćemo samo od 2010 kada smo imali situaciju da se na godišnjem nivou izvrši otuđenje oko 800 motornih vozila i izvrši 800 krivičnih djela do situacije kada smo u 2017 imali izvršenje 420 krivičnih djela. Znači imali smo smanjenje za negdje 50% u odnosu na 2010 godinu. Uprava policije je u više navrata inicirala i pokretala aktivnosti za rješavanje problema teških krađa motornih vozila na području Kantona Sarajevo i od 2010 je pod nadzorom Kantonalnog Tužilaštva je izvedeno više akcija, a kasnije i pod nadzorom državnog Tužilaštva gdje su ova krivična djela okarakterisana kao krivična djela organizovanog kriminala. Pa evo samo navest ću nekoliko tih akcija od: Panorame, Kamena, Kuma, do zadnje akcije pod nadzorom Državnog Tužilaštva pod nazivom Volan, kojom prilikom je državno Tužilaštvo u suradnji sa SIPOM Upravom policije MUP-a Kantona Sarajevo i Upravom policije MUP.-a RS zadokumentovalo i podnijelo izvještaje za izvršenje krivičnih djela organizovanog kriminala protiv 27 lica optužnica je potvrđena, ta lica su bila lišena slobode, da bi nakon isteka roka kojim je bila određena mjera pritvora od 30 dana ta lica puštena da se brane sa slobode i nastavila su sa vršenjem krivičnih djela. Optužnica je potvrđena krajem 2017. u periodu od potvrđivanja optužnice do 09. mjeseca 2018 imali smo također situaciju da se na području Kantona Sarajevo da kažem u većem ili manjem intenzitetu ponovo vršila krivična djela od strane organizovanih grupa i u tom smislu je uprava policije u devetom mjesecu sačinila jednu informaciju, izdiferencirala jednu grupu lica od 20 izvršilaca koji su sa područja RS-a i sa područja Kantona Sarajevo kao izvršioci krivičnih djela teških krađa motornih vozila. Tu informaciju smo uputili na mišljenje kantonalnom Tužilaštvu u smislu kvalifikacije djela gdje smo dobili odgovor da se na osnovu prikupljenih informacija od strane uprave policije ova krivična djela karakterišu kao organizovani kriminal i da bi predmet trebalo da preuzme državno Tužilaštvo i da se aktivnosti provode pod nadzorom državnog Tužilaštva. Mi smo prosljedili državnom Tužilaštvu tu informaciju i očekujemo očitovanje državnog Tužilaštva. Od 2015, a i u ranijem periodu, samo navodim da je bilo više napada na policijske službenike a i građane, od 2015 do današnjeg dana imali smo 17 takvih napada, s tim da smo u 2016 imali tri napada na policijske službenike uz upotrebu vatrenog oružja. U 2017 također , a u 2018 smo imali 4 takva

slučaja, uključujući i ovaj najteži slučaj gdje su poginula naša dva policijska službenika. Također u 2018 smo imali jedan slučaj napad na policijskog službenika uz upotrebu vatrenog oružja na području Općine Novi Grad, tačnije na području Dobrinje, gdje su nakon upotrebe vatrenog oružja jedan policijski službenik je zadobio teže povrede, prostrelnu ranu, a drugi policijski službenik je također zadobio težu povredu upotrebom vozila kao sredstva izvršenja od strane ove kriminalne grupe. Nakon razmjene vatre ta lica su se udaljila u pravcu Istočnog Sarajeva, i nakon izvjesnog vremena to vozilo je pronađeno zapaljeno, izvršene su uviđajne radnje od strane krim policije i nadležnog okružnog Tužilaštva Istočnog Sarajeva. Kada je u pitanju zadnji događaj, nakon izvršenog uviđaja koji je vršen pod nadzorom kantonalnog Tužilaštva i uz asistenciju FUP, SIPE i MUP-a Kantona Sarajevo nastavljene su aktivnosti na identifikaciji pronalazaka lica koja se mogu dovesti u vezi sa izvršenjem ovog krivičnog djela. Do današnjeg dana mi smo kriminalistički obradili 81 lice od kojih smo za tri lica podnijeli izvještaj kantonalnom Tužilaštvu, nakon toga Kantonalno Tužilaštvo je uputilo prijedlog Kantonalnom sudu za određivanje mjere pritvora i tim licima je određena mjera pritvora od 30 dana, a u vezi izvršenja krivičnih djela teških krađa na području Kantona Sarajevo u 2018 godini. Protiv jednog lica smo podnijeli izvještaj nadležnom Tužilaštvu za krivično djelo koje se može dovesti u vezu sa zadnjim događajem i to lice je predato u nadležnost kantonalnog Tužilaštva, nakon toga je kantonalno Tužilaštvo predložilo određivanje mjere pritvora u trajanju od 30 dana, što je i kantonalni sud odredio. I to se lice nalazi u pritvoru. Također je više lica lišeno slobode i predato u nadležnost Tužilaštva, koja se mogu dovesti u vezu sa izvršenjem krivičnih djela teških krađa na području Kantona Sarajevo. U toku su aktivnost na vještačenju tragova koji su pronađeni na mjestu izvršenja. Vještačenja se vrše u Centru za forenziku FUP. Zatražena je pomoć u jednom slučaju od FBI, također smo u pregovorima putem nadležnog Ministarstva sigurnosti za uključivanje određenih institucija Republike Srbije u cilju pružanja pomoći kako bi se ovaj događaj rasvijetlio kako bi se pružila pomoć Kantonalnom Tužilaštvu u dokazivanju i dokumentovanju kriminalnih aktivnosti lica o kojima sam maloprije rekao. A to su lica koja su do sada obrađivana, gdje su provjeravani njihovi alibi i gdje se evo u dosadašnjem radu došlo do dokaza i činjenica da su u 2018 vršila krivična djela na području Kantona Sarajevo teških krađa motornih vozila. U posljednje vrijeme se pojavljuje da li se može problem riješiti teških krađa od strane uprave policije. Svi kapaciteti kada je u pitanju uprava policije, pogotovo od 2016 kada smo nakon jednog događaja koji se desio na području Starog Grada aktivirali naše jedinice sektora za policijsku podršku, to je jedinica za specijalističku podršku, i jedinica za podršku na patroliranju i uspostavljanju povremenih kontrolnih punktova uz upotrebu dugog oružja. Također, mi smo imali određene aktivnosti pod nadzorom državnog Tužilaštva gdje je došlo do upotrebe vatrenog oružja od strane kriminalnih lica s jedne strane. Na tu upotrebu vatrenog oružja i policijski službenici su odgovorili i imali smo u dva slučaja situaciju da su policijski službenici prilikom upotrebe sredstava prinude, odnosno vatrenog oružja lišili života dva lica. U jednom slučaju se radilo o lišenju života lica na području Opštine Stari Grad. I drugi slučaj je bio na području općine Ilidža gdje je također došlo do upotrebe vatrenog oružja od strane kriminalnih lica i s druge strane policijski službenici u odgovorili na tu vatru i tom prilikom je također smrtno stradalo jedno lice iz te kriminalne grupe. Nakon ovih da kažem aktivnosti imali smo jedan period da je došlo do smanjenja broja registrovanih krivičnih djela teških krađa. Također imali smo situaciju da smo imali smanjenje broja registrovanih krivičnih djela teških krađa motornih vozila i nakon provedene akcije volan kada je veći broj lica lišen slobode, i u tom periodu nismo imali izražen problem teških krađa motornih vozila, pogotovo skupocjenih motornih vozila. Međutim onog momenta kada ta lica izađu ili nakon isteka te mjere od 30 dana, nama se ponovo pojavljuje povećava broj izvršenja krivičnih djela teških krađa. Što znači da ta lica nastavljaju sa vršenjem krivičnih djela. Kada je u pitanju zakonski okvir za djelovanje, postoje decentralizovan sistem. Međutim postoji zakonski okvir za djelovanje i viših institucija po pitanju ovih krivičnih djela pogotovo ako se ova krivična djela okarakterišu kao krivična djela organizovanog kriminala. Navest ću primjer da zakonima o

uspostavljanju policijske agencije na federalnom nivou je propisano da je isključiva nadležnost FUP su krivična djela organizovanog kriminala međukantonalnog kriminala i međuentitetskog kriminala. Zakonom o uspostavljanju SIPE je također propisano da je ta agencija nadležna za krivična djela organizovanog kriminala između ostalog i droge sa elementima međunarodnog faktora. U zakonskoj organizaciji tužilaštava također imamo nadležnosti tako da kada su u pitanju krivična djela koja su propisana Krivičnim zakonom BiH, gdje je predviđeno krivično djelo organizovanog kriminala i po kojem se postupalo u nekoliko slučajeva, od Volana, Kamena, Kuma gdje je postupajući tužilac bio iz državnog tužilaštava, ima obaveza kada su u pitanju krivična djela i tamo je propisano da je državno Tužilaštvo nadležno za krivična djela kojima je predviđeno, gdje je Krivičnim zakonom BiH predviđena krivična djela, i da su oni dužni, a da je policijska agencija koja prati državno Tužilaštvo Državna agencija za istrage i zaštitu. Znači, postoje ti zakonski okviri koliko su se oni u datom momentu primjenjivali i u konkretnom slučaju da li će doći do preuzimanja predmeta od strane državnog tužilaštava to u ovom trenutku ne znamo, ali ono što želim reći a to je da su bile neke aktivnosti da predmet od Uprave policije preuzme Državna agencija za istrage i zaštitu a da predmet ostane pod nadzorom Kantonalnog Tužilaštva, što mi nismo pristali. Mi ćemo pristati da se predmet uzme onog momenta kada dva Tužilaštva dogovore da to preuzme državno Tužilaštvo a da nosilac aktivnosti na ovoj istrazi bude Državna agencija za istrage i zaštitu uz pružanje pomoći Uprave policije MUP-a Kantona Sarajevo, Uprave policije MUP-a RS-a, i Federalne uprave policije. Da li će se to desiti, ja sam imao sastanak sa glavnom kantonalnom tužiteljicom, sa postupajućim tužiteljem u ovom predmetu, sa zamjenikom federalnog tužioca, sa direktorom Državne agencije za istrage i zaštitu i dogovorene su aktivnosti da predmet koji se trenutno vodi pod nadzorom državnog Tužilaštva da nosilac aktivnosti kao policijska agencija bude Uprava policije MUP-a Kantona Sarajevo a da ove druge policijske agencije pružaju pomoć, svako iz svoje nadležnosti zbog preduzimanja radnji dokazivanja po mjesnoj nadležnosti jer vrlo je teško preduzimati radnje dokazivanja Upravi policije na prostoru drugog entiteta, na prostoru drugog kantona a rješenje državnog Tužilaštva je nadležnost da može Državnoj agenciji za istrage i zaštitu izdati bilo kakvu naredbu na bilo kojem dijelu BiH, tako da bi to možda olakšalo određene praktične stvari prilikom istrage i prilikom preduzimanja radnji dokazivanja od strane policijskih službenika. Ovo napominjem samo iz razloga se pojavljuju pitanja nadležnosti, pojavljuju pitanja ovlaštenja. I druga stvar, kada su u pitanju ovlaštenja, shodno Zakonu o policijskim službenicima i drugim zakonima koji regulišu ovlaštenja policijskih službenika, tu prije svega mislim na Zakon o krivičnom postupku i krivični Zakon i državni i federalni, ova ovlaštenja koja policija ima nisu ništa manja i slabija nego što su bila prije rata. S druge strane mi imamo sistem koji je uspostavljen 2003 godine, kada su u pitanju Zakon o krivičnom postupku i krivični zakoni koji su prema ocjenama mjerodavnih institucija usaglašeni sa svim međunarodnim standardima i u tom dijelu kada je u pitanju postupanje policije, policija Kantona Sarajevo postupa u skladu sa zakonom, vodeći računa da se ne ugrožavaju ljudska prava i sloboda i vodeći računa da sve radnje dokazivanja budu u skladu sa zakonom da ne bi bilo koji dokaz pribavljen protivno zakonskim odredbama i kako taj doka ne bi bio proglašen neupotrebljivim i iz tog razloga možda izgleda da neke radnje dugo traju, ali situacija je takva da mi imamo zakone koji su doneseni i koji ispunjavaju te europske standarde i druge standarde, međutim, mi imamo trenutnu situaciju takvu kakva jeste a to je administrativno uređenje BiH, koje prati administrativno uređenje policije, imao sam potrebu da na to ukažem iz razloga što su svi sada da kažem spremni davati savjete zanemarujući ove činjenice. Zanemarujući činjenicu ukoliko se opredijelimo da postavljamo određen punktove d ali to znači da smo prisiljeni da se povlačimo pred tim organizovanim kriminalnim licima i da na neki način pravimo granice tamo gdje smo svi opredijeljeni da ne trebaju da te budu granice? Također na ovaj način želim da izvršim pritisak da nadležne institucije koje su zakonom pozvane i kojima je dato u nadležnost, počnu raditi svoj posao i preduzimati mjere iz svoje nadležnosti. Imamo situacija da državno tužilaštvo preduzima mjere i preuzima određene predmete u manje složenim krivičnim djelima

gdje postupaju dok evo u ovom slučaju gdje su ubijena dva policijska službenika i gdje možemo sa sigurnošću reći da je to posljedica organizovanog kriminala koji već na području Kantona Sarajevo traje već 20 godina sa manjim ili višim intenzitetom i sa u posljednje vrijeme sve opasnijim djelovanjem tih lica koje ne prežu da upotrijebe vatreno oružje ne samo prema policiji nego i prema građanima. U informaciji su navedeni ti neki slučajevi gdje je i prema građanima došlo do upotrebe vatrenog oružja, prema policijskim službenicima i da je to na neki način alarm za sve nadležne, ne isključujući obaveze i odgovornost uprave policije u onoj mjeri i koja je zakonom dana, ne želeći preuzimati ingerencije drugih institucija jer morate znati da u ovom zadnjem slučaju mi imamo odličnu saradnju sa Upravom policije MUP-a RS, u ranijem periodu nismo imali dovoljno informacija, sve što je do sada urađeno je urađeno na osnovu informacija koje je prikupila naša Krim obavještajna jedinica naše odjeljenje za imovinske delikte u čijem nadležnosti su ova krivična djela teških krađa i da su te informacije i ta saznanja došlo se operativnim radom policijskih službenika MUP-a Kantona Sarajevo. Vrlo mali broj je tih informacija od drugih agencija. Na žalost situacije je eskalirala sa ubistvom ova dva policijska službenika i evo koristim priliku da pozovem nadležne organe da se aktivnije uključe i da samo postupe u skladu sa zakonskim nadležnostima kako bi se riješio problem teških krađa motornih vozila u Kantonu Sarajevo. Taj problem je prisutan u najvećem broju slučajeva u Kantonu Sarajevo. Evo rekao sam poslije rata imali smo od 800, evo sada 400 u 2017, za prvih devet mjeseci imamo smanjenje opet u odnosu na 2017 za 110. ali statistika je nešto poslije ovakvog događaja nebitno šta se može uraditi da se riješi ovaj problem, šta može zakonodavna i izvršna vlast po ovom pitanju. Mi smo kroz ovu informaciju predložili i određene mjere, koje su evo na Kolegiju i u saradnji sa pojedinim poslanicima da kažem uobličene, pa smo predložili kratkoročne i dugoročne mjere. S druge strane, neke mjere koje su u posljednje vrijeme od nas tražene, a to je da se poveća broj izvršilaca, da se nabavi određena oprema od zaštitne opreme, od oružja i ostalo, ja moram reći da je Vlada evo mogu reći za period od kada sam vršilac i sada imala punu podršku i dala punu podršku Uprave policije. Sve što smo tražili mi smo dobili. Mi smo u zadnjih tri godine nabavili za naše jedinice za sektor za policijsku podršku 200 pušaka P56, s kojima su zaduženi naši policijski službenici Jedinice za specijalističku podršku i u Jedinici za podršku. Period trajanja ovoliko je zato što se radi o puškama za koje je potrebne određene saglasnosti, uvozne dozvole, čak u jednom periodu smo imali i blokadu zato što je BiH ocijenjena kao rizična zemlja i čak je to trajalo. Trebalo je mnogo vremena da se otkoči. Te puške su da kažem isporuče krajem 2017 u decembru mjesecu. U 2018 je vršena obuka sa policijskim službenicima oko upotrebe tog oružja s tim da opet naglašavam da radi se o jurišnim puškama koje za izvršenje ovih redovnih poslova nisu prilagođene i nisu adekvatne. 2017 prilikom izvršenja krivičnog djela razbojništva na području općine Hadžići imali smo situaciju da je jedna naoružana grupa izvršilaca izvršila razbojništvo i prilikom odlaska s lica mjesta sa jednom našom patrolom iz općine Hadžići su se mimoišli. Faktički ovi su došli iz jednog prava. Bile su sekunde. I tada je postojala mogućnost da dođe do upotrebe vatrenog oružja. Nakon tog događaja Vlada je donijela odluku i hitno zatražila da se izradi projekat oko nabavke odbrambenog oružja za policijske službenike koji rade u interventnim patrolama po policijskim uprava. Također je tražila da se izradi projekat oko nabavke zaštitne opreme kroz nabavku pancirnih prsluka odgovorajućih zaštitnih sredstava šljemova, kaciga, pancirnih također za ove naše jedinice za specijalističku podršku kao i kaciga za jedinicu za vodove za narušavanje javnog reda i mira u Kantonu Sarajevo koje egzistiraju pri policijskim upravama kako bi se upotpunila zaštitna sredstva koja su neophodna za izvršavanje svakodnevnih zadataka. Sredstva su osigurana, tenderi su raspisani, u toku su žalbeni postupci po ovome, tako da mi u ovom sada našem zahtjevu nismo iskazali potrebu za to jer taj dio je već bit će realizovan samo je problem ovih žalbenih postupaka tako da će svi policijski službenici koji rade u interventnim patrolama imati odbrambeno oružje, znači dugo oružje, imat će zaštitne prsluke i imat će zaštitne šljemove. S tim da upotreba tih sredstava neće biti svakodnevna nego će se u vozilima koje koriste policijski službenici nalaziti ta oprema i koristiti će se po potrebama. Također, postoji pravilnik

o standardnoj opremi koja se koristi u Upravi policije koji je donesen 2013 gdje je predviđeno da policijski službenik ima u svojoj standardnoj opremi ima pištolj 9 mm, i ta nabavka je realizovana tako da svaki naš policijski službenik ima kratko naoružanje, pištolj četvrte generacije Glock, vrlo kvalitetno oružje, međutim evo i pored toga nije doprinijelo da se smanji ova vrsta krivičnih djela. Znači iz tog razloga mi smo tražili u tom dijelu nabavku i izdvajanje sredstava i ostalog. Također Vlada je kada su u pitanju ljudski resursi u dva slučaja odobrila upošljavanje 120 novih policijskih službenika u čin policajca. Ta generacija je krenula na policijsku akademiju 15.10. donesen je novi zaključak za prijem 200 policijskih službenika u čin policajac i 30 u čin mlađi inspektor. I bit će i taj javni oglas raspisan kako bi se završila procedura u 2019 i kako bi u narednom periodu imali kontinuitet u zapošljavanju. Također uprava policije je donijela strategiju razvoja 2018-2021 gdje je predviđela određene aktivnosti koje podrazumijevaju i prijem novih policijskih službenika u kontinuitetu. Tako da je predviđeno da se u 2019 najmanje 50 policijskih službenika primi. 2020 također možda i više shodno situaciji da li ćemo imati odliv policijskih službenika po raznim osnovama od penzionisanja do prekida radnog odnosa po drugom osnovu. Ovo bi bilo ukratko što se tiče zadnjih događaja i ono što smo mi preduzeli, problema koji se vežu za ova krivična djela, kada su u pitanju migranti iz informacije je jasna situacija. Problem migranata smo prepoznali krajem 2017. bili smo među prvima koji su upozoravali na problem migranata u migrantskom centru Delijaši. To smo slali prema Ministarstvu sigurnosti, Službi za poslove sa strancima. Na naše informacije Vlada je formirala operativni štab gdje su uključena nadležna Ministarstva. Mi smo svakodnevno prikupljali te informacije i provodili aktivnosti u skladu sa našim nadležnostima od dislociranja tih migranata gdje smo pružili asistenciju Službi za poslove sa strancima sa područja Opštine Stari Grad do zadnjih aktivnosti gdje smo također pružili pomoć službi za poslove sa strancima za dislociranje 130 migranata sa područja autobuske i željezničke stanice na području općine Novo Sarajevo. Naše aktivnosti su svakodnevne po pitanju migranata. Postoje zakonske nadležnosti Službe za poslove sa strancima, prije svega u skladu sa Zakonom o strancima i Zakonom o azilu, mi smo do sada registrovali 25 krivičnih djela koja su izvršena od strane migranata gdje je bilo 30 izvršilaca. U strukturi krivičnih djela imamo od krađa teških krađa, krađa, razbojništva, nanošenje teških tjelesnih povreda, pokušaja silovanja, silovanja, otmice, imali smo i dva slučaja pokušaja ubistva. Također smo imali 9 slučajeva narušavanja javnog reda i mira vikom, galamom, drskim ponašanjem, učestvovanjem u tući u kojoj je učestvovalo 20 lica migranata. Otvaranjem migracionog centra na području Hadžići nama je olakšano u toj mjeri da mi sada imamo lokaciju gdje možemo pružiti pomoć Službi za poslove sa strancima da se ta lica smjeste. Utvrđivanje identiteta tih lica vrlo teško ide. Uglavnom ta lica nemaju dokumente. Mi se koristimo podacima i potvrdama koje oni dobivaju od Službe za poslove sa strancima. Oni tamo registruju. Mi smo sva ova lica koja su učestvovala u vršenju krivičnih djela i u činjenju prekršaja kriminalistički obradili. Imamo za njih baze podataka dok su druge baze podataka u Službi za poslove sa strancima. Također pružili smo svu pomoć i kada je bilo vraćanje određenog broja tih migranata sa područja USK a u saradnji sa Službom za poslove sa strancima gdje smo izvršili prihvrat 5 autobusa tih migranata i gdje su smješteni u imigracioni centar Ušivak. Međutim, ta praksa se bila nastavila i onda smo uz opet suradnju sa Službom za poslove sa strancima nismo dozvolili da se ta lica ostave u Sarajevu nego smo zatražili da se autobusi ponovo vrate ka Bihaću jer ne možemo poduzeti obavezu ako nema mjesta i ako nema koordinacije između Uprave policije USK i Službe za poslove sa strancima da se to lomi preko leđa građana Sarajeva i preko da kažem Uprave policije MUP-a Kantona Sarajevo. To je što se tiče migrantske krize. Kada je u pitanju prijedlog mjera. Pored onih mjera koje je Uprava policije preduzela i preduzima od 2016 mi smo aktivirali naše planove pojačano prisustvo jedinica a to je Jedinica za specijalističku podršku u noćnim satima sa dugim naoružanjem, postavljanjem kontrolnih punktova, pružanje pomoći kriminalističkoj policiji u rasvjetljavanju ovog događaja, također su pojačanje aktivnosti kriminalističke policije i to je ono što smo mi mogli interventno da uradimo. Da uključimo sve agencije u rasvjetljavanje ovog

dogadaja a evo nekim aktivnostima nastojimo da ukažemo i da dadnemo do znanja da nadležni organi na državnom i federalnom nivou moraju raditi svoj dio posla kako bi se istinski riješio problem teških krađa motornih vozila na području Kantona Sarajevo. Događaj kao događaj će biti riješen i iz toga se neće isključiti Uprava policije niti će se isključiti iz bilo kojeg problema kada su u pitanju teške krađe ali želimo samo da kažemo da postoje i nadležne institucije koje su pozvane i uspostavljenje upravo iz ovog razloga, a to je da se borimo protiv organizovanog kriminala, i da olakšamo preduzimanje procesnih i radnji dokazivanja na području čitave BIH a da ne budemo u situaciji da Uprava policije ne može preduzeti određenju radnju dokazivanja zbog evo zakonskih ograničenja zbog administrativnog uređenja. Iz ovog prijedloga mjera evo mi smo zajedno sa kolegom Okerićom i sa kolegijem Skupštine kantona zaključili da je neophodno da ovaj prijedlog mjera pored ovoga operativno što mi preduzimamo da predložimo kratkoročne mjere i dugoročne mjere. Kada su u pitanju kratkoročne mjere da se izvrši nabavka i pokrivanje video nadzora izlaza iz Kantona Sarajevo i priključenje na postojeće operativne centre po postojećim policijskim upravama. Mi smo jedino Ministarstvo koje nema riješeno sjedište. Jedino Ministarstvo u okruženju i u BIH koji nemamo Operativno komunikacijski centar sa centrom za video nadzor koji podrazumijeva pokrivanje ulaza i izlaza iz grada Kanton sa kvalitetnim kamerama. Također, prostor u kojem rade naše službe od kriminalističke, centra za forenziku, su u takvim uslovima da ne zadovoljava ni minimum uslova ali evo, zaključili smo da ovo bude kratkoročno da se izvrši nabavka barem pet, šest kamera koje će pokriti glavne pravce ulaza i izlaza iz Kantona Sarajevo. Opet uvažavajući tehničke mogućnosti u smislu priključenja tih kamera na postojeće sisteme koji postoje po policijskim upravama. Postojeći video nadzor je rascjepkan po PU, i rezultat je raznih donacija lokalnih zajednica, koje nezadovoljavaju potrebe uprave policije da imamo jedan centralizovani sistem i centar iz kojeg bi se moglo pratiti stanje na području Kantona Sarajevo a prije svega kako bi mogli da imamo pametne softvere koji bi omogućili kvalitetnije praćenje stanja na području Kantona Sarajevo i signaliziranje po raznim oblastima aktivnost policije i kako bi olakšali djelovanje policijskih službenika prilikom izvršenja svojih redovnih zadataka. Također smo kao kratkoročnu mjeru predložili uspostavljanje video-nadzora u policijskim vozilima. To je mjera koja ne iziskuje velika sredstva a umnogome bi pomoglo policijskim službenicima prilikom izvršavanja svojih redovnih poslova i olakšalo bi, zaštitili bi i policajce a i građane. Znači to je neovisno o ovom događaju. To je i budućnosti bilo predviđeno kako bi izbjegli sve situacije, žalbe na policijske službenike, ili ne daj bože napad na policijske službenike ili da kažem zloupotrebu od strane policijskih službenika. Na ovaj način bi imali snimljene aktivnosti policijskih službenika. Ova mjera ne iziskuje velika sredstva i mi smo je podveli kao kratkoročna mjera. Također proširenje upotrebe sistema radio veze. Mi već evo drugu godinu provodimo aktivnosti na uspostavi digitalne radio veze. Ta digitalna radio veza je u jednom dijel realizovana. Ostalo je da se realizuje još negdje u vrijednosti oko 500.000 da bi mi taj sistem zaokružili. Znači od repetitora do konkretno nabavke radio veza po PS, jedinicama policije u okviru Ministarstva, i mislim da uspostavom ove digitalne radio veze mi isključujemo mogućnost da kao što smo do sada bili u situaciji da su razne kriminalne grupe mogle da prate radio vezu policijskih službenika i mogli su da prate aktivnost policajaca i da planiraju svoje aktivnosti kroz to praćenje. Sljedeća mjera jeste a to je praćenje policijskih vozila putem GPS sistema. I to je jedna od mjera koja je neovisno o ovome bila planirana u Upravi policije nakon nabavke vozila u 2017 i 2018 koje su realizovane. Mi smo odlučili da nabavimo sistem za GPS praćenje vozila također u cilju i zaštite policajaca a i u cilju praćenja aktivnosti policijskih patrola na terenu. Također jedna od kratkoročnih mjera jeste i mobilna provjera podataka sa terena. Ovu mjeru smo dijelom realizovali. Mi smo u ovoj godini nabavili 50 uređaje koji će biti ugrađeni u naša vozila nabavljen je softver i mi imamo namjeru da u preostala službena vozila se ugrade ovi uređaji kako bi mogli sa terena mogli izvršiti provjere i kako bi se olakšalo policijskim službenicima izvršavanje svojih redovnih zadataka. Što bi u svakom slučaju poboljšalo kvalitet rada policijskih službenika. To bi bilo kada su u pitanju kratkoročne mjere kojem i predlažemo.

Naveo sam da namjerno nisam navodio ni zahtjeve za ljudstvom niti zahtjeve za nabavkom zaštite opreme jer je već Vlada i 201 i 2018 izdvojila sredstva, preduzela mjere i mi ćemo i 2019 nastaviti sa kompletiranjem ali sticajem okolnosti zbog ovih dugotrajnih tenderskih procedura one nisu još realizovane ali će evo nadam se do kraja godine biti realizovane. Od dugoročnih ciljeva, bilo je puno prijedloga oko izmjena zakonskih propisa koji regulišu oblast postupanja policijskih službenika. Mi evo ovdje predlažemo da se nakon izvršene analize, s obzirom da se radi o propisima koji su doneseni na nivou entiteta i na nivou države, a prije svega tu se odnosi na izmjene zakonskih i podzakonskih propisa koji tretiraju problematiku teških krađa motornih vozila koja i pooštavanje kaznene politike u smislu izricanja većih kazni za počinioce ovih krivičnih djela za one koji su povratnici u vršenju krivičnih djela. Ali znajući situaciju da bi to bilo realizovano neophodno je i koncenzus ostalih aktera u ovome svemu. Znači da se iniciraju izmjene i da se onda na stručnom nivou izanaliziraju zakonski propisi koji regulišu ovu oblast, i da se pripreme adekvatne izmjene ovih propisa kako bi se evo prije svega neka krivična djela koja do sada nisu definisana pripisala kao krivična djela a s druge strane kako bi i postojeća krivična djela koja su propisana pozitivnim zakonom imala veće sankcije i na kraju kako bi se na nadležne organe pravosudne uticalo da i prema postojećem zakonskim propisima izriču adekvatne kazne bez mogućnosti sklapanja sporazuma koji nakon par mjeseci ti isti izvršioци se našu na ulici i ponovo vrše krivična djela. Ali ostavljamo mogućnost da se iniciranjem i da se ipak interesorno mimo nas iz policije tu se uključi i Ministarstvo pravde, Tužilaštva i sudovi da vidimo u kom pravcu pokrenuti inicijativu izmjene jer se to odnosi na sve policijske službenike a ne samo na policijske službenike u Kantonu Sarajevo. Kao druga dugoročna mjera, jeste izgradnja namjenskog objekta za smještaj Uprave policije MUP-a Kantona Sarajevo. Mi smo sredinom prošle godine nastavili bili aktivnosti u 2018 pokrenuli inicijativu ja i ministar da se riješi smještaj uprave policije i ministarstva. Mi trenutno imamo situaciju da objekat u kojem je smješteno ministarstvo je pod restitucijom i da je to objekat koji je označen kao objekat u koji mi više ne može ulagati niti je to objekat koji zadovoljava ni minimum naših potreba kao policije glavnom grada, kao policije kantona, gdje se dešavaju mnoge aktivnosti i u tom pravcu se pokušalo iznaći rješenje za izgradnju sjedišta ministarstva i drugih pratećih službi. Znači pored problema koji imamo sa objektom u sjedištu mi imamo problem sa našim objektom Treće PU na području općine Novo Sarajevo gdje je prema do sada onome što mi imamo za informaciju taj objekat predviđen za rušenje jer na tom prostoru se treba graditi stambeno poslovni objekat i taj objekat je također predviđen za rušenje. I mi trebamo vrlo brzo izaći iz tog objekta. Također objekat Jedinice za saobraćaj gdje su smještene i druge prateće službe i iz ministarstva a i uprave policije je već odavno trebao biti srušen jer je privatni investitor koji je dobio tu lokaciju trebao već davno graditi objekat na tom prostoru, al zbog nemogućnosti, odnosno mi jedino da izađemo pod šatore. Mi nećemo drugačije nećemo izaći dok se nama ne osigura a ko će plaćati penale investitoru to je sada stvar lokalne zajednice. I taj objekat je faktički spreman za iseljenje i mi nemamo ni taj objekat. Također imamo objekat Envera Šehovića gdje su nam smještene određen organizacione jedinice koje su isto također pod restitucijom i trebaju biti vraćene mislim da treba da se vrati katoličkoj crkvi taj objekat ili već ne zna, znam da se ni u taj objekat ne ulaže i niti taj objekat zadovoljava bilo kakve potrebe. Znali da bi bilo šta kada je pitanju i grad pod video nadzorom planirali neophodno je da imamo dugoročno kvalitetan smještaj Uprave policije sa svim pratećim službama. Bilo je pokušaja i od strane na općini Novo Sarajevo i Općine Centar, međutim nama u ovom trenutku odgovara prostor koji je bio predložen u drugoj varijanti od strane Novo Sarajevo i zbog smještaja Treće PU, i zbog da kažem prostora samog koji taj prostor omogućuje za potrebe uprave policije i za potrebe ministarstva i mislim da kada je u pitanju ne samo Operativno komunikacijski centar sa video nadzorom koji mora biti na jednom mjestu, koji mora biti suvremen sa da kažem analitičkim kamerama koji može služiti policijskim službenicima za operativni rad, a ne kao do sada što imamo ovo rascjepkano, loš kvaliteta tako da faktički to smatramo samo bacanjem novca a ne postizemo svrhu. Mi također imamo obavezu da postupamo po Zakonu o zaštiti

maloljetnika, Zakonu zaštite od nasilja, Zakon o zaštiti tajnih podataka, centar naš za forenziku je u tavanskom prostoru i od 97 je vrlo malo ulagano u taj centar a nekada je to bio jedan od najsavremenijih organizacionih jedinica u bivšoj RBiH kada je u pitanju kriminalistička tehnika mimo onoga što je imao nekada Republički sekretarijat. Sljedeća dugoročna mjera, znači nakon osiguranja objekta jeste uspostava modernog operativnog komunikacijskog centra sa svim ovim elementima kojima sam govorio. Sljedeća dugoročna mjere jeste nabavka savremene opreme za videonadzor. U kratkoročnim mjerama smo naveli da nabavimo barem pet šest kamera za pokrivanje glavnih ulaza i izlaza koje bi privremeno priključili na operativne centre pri PU, a ovo bi nabavka ovih savremenih kamera bi podrazumijevalo da se izvrši nakon uspostave ovog operativno komunikacijskog centra sa video nadzorom. I sljedeća dugoročna mjera jeste razvoj telekomunikacijske infrastrukture za potrebe MUP-a Kantona Sarajevo. Znači ovdje smo također htjeli da kažem na kraju, sve to uspostavimo na jednom modernijem nivou kada su u pitanju ove mreže kako bi naša Služba za informatiku i video-nadzor imala kvalitetnije spoljne putove ki kako bi to kroz taj neki novi objekat, jer kroz postojeće objekte, pošto se radi o starim objektima, starim instalacijama, dovelo na jedan viši nivo i omogućilo ove aktivnosti koje se predlažu da se zaokruži jedna cjelina i da imamo jednu savremeno operativno komunikacijski centar kao u svim policijama u okruženju. Da ne kažem evo ovdje i u BiH imamo mnogo manje razvijene kantone koji imaju svoje objekte, koji imaju operativno komunikacijske centre, dok evo u Sarajevu se to čekalo 20 godina od uspostave kantonalnog Ministarstva. I evo smatram opet da pored onih mjera koje govorimo operativno koje smo mi preduzeli i koje preduzimamo, operativne aktivnosti koje se provode na rasvjetljavanju ovog događaja na sugestiju Kolegija i poslanika ove mjere smo podijeli na kratkoročne i dugoročne. Ono što se može kao pomoć Upravi policije da se poboljša sigurnosna situacija. Odnosno da se pruže adekvatni uslovi policijskim službenicima prilikom rješavanja redovnih poslova i zadataka. Ja sam imamo toliko za ovaj put. Još jednom se zahvaljujem. Pozvao bih sve one koji mogu dati doprinos da se realizuju ove aktivnosti. Ovo će sve ostati i poslije komesara i narednim generacijama. Možda su trebale neke druge generacije trebale rješavati problem smještaja ranije. Evo sada postoji problem da nema ni jednog pedlja slobodnog prostora sve je prodato, stambene objekte, privatne objekte, a jedna institucija kao što je MUP Kantona Sarajevo da nema sada prostor mislim da to policajaca Kantona Sarajevo pored ovih aktivnosti koje su preduzimane od 97 do današnjeg dana, dakle ne isključujem sve ono ranije što je urađeno, zaslužuje da ima adekvatne uslove za rad. Zahvaljujem se još jednom Vladi koja je dala podršku i 2017, 2016 evo i 2018 normalno uz podršku Skupštine kantona da policija Kantona Sarajevo bude jedna od boljih policijskih agencija u BiH. Što mi jesmo. Znači s ovim kapacitetima mnogi nam zavide na nekim rezultatima ali evo, s obzirom na problematiku mi smo nesretni što se desio ovaj događaj i on ni u kom slučaju ne umanjuje aktivnosti policije ali sigurno opominje da moramo više preduzimati represivnih mjera i više primjenjivati svoja ovlaštenja koja imamo. Ne optužujući nikoga ali u svakom slučaju odgovornost je na nama i mi ne bježimo od te odgovornosti. Tako da se zna u tom dijelu da predmet predaje, taj predmet će biti naš. Mi ćemo ga rješavati za pet dana, deset dana, mjesec dana. Morate samo imati na umu da se radi složenom krivičnom djelu. Da i oni koji su to izvršili su organizovani i da je nama Upravi policije skučen prostor oko primjene radnji dokazivanja upravo zbog ovi činjenica koje sam naveo kada su u pitanju administrativne nadležnosti. Zakonske nadležnosti i normalno mora se voditi računa da pod emocijama ne uradimo nešto da kršimo Zakon i da imamo posljedice po tom pitanju. Želim napomenuti isto tako završit ću, mi smo imali određena aktivnosti pod nadzorom Državnog Tužilaštva. Naši policijski službenici su upotrijebili vatren oružje u oba slučaja su izvršioci lišeni života. Ali mi imamo procese koji se vode pred nadležnim tužilaštvima iako smo mi kao policijski organ koji je nadležan za pravdanje sredstava, mi smo opravdali sredstva i u jednom i u drugom slučaju, ali postoji prijava od strane porodice. Ti predmeti se vode na Tužilaštvu. Znači svi oni koji su se očesali od taj predmet, pa i ja sam lično davao izjave na te okolnosti iako smo aktivnosti provodili pod nadzorom Tužilaštva onda se traži dlaka u jajetu kada e u pitanju provođenje

procedura i iz tog razloga nekada izgleda da mi nismo energični. Ali morate voditi računa da imamo zakonske okvire u kojima se moramo ponašati, da ne odemo u drugu krajnost i da ne dođe u situaciju kada sve ode i prođe, kada emocije stanu e onda dolaze oni koji već i sada pišu medijski izlažu policajce da daju savjete i ostalo kako je trebalo vako i onako. A ne vode računa da evo ja sam objasnimo kada je u pitanju nadležnost da nije to kako ne to niko nikada radio. Nama teško pada kada izađe neko e kako sam nekad prije radio. Ma mislim.. zanemaruju se činjenica ustrojstva BiH, zanemaruju se činjenice zakonskih nadležnosti i svega onoga što smo mi prihvatili da su to demokratski propisi, sada je pitanje da li su ti zakoni možda malo da ne odgovaraju trenutnoj situaciji kada je u pitanja BiH ja se zahvaljujem još jednom ostajem raspolaganja za sva pitanja.

Predsjedateljica:

Hvala lijepo uvaženi komesare Haliloviću. Otvaram raspravu. Pitanja. Izvolite. Uvaženi zastupnik Mariću izvolite.

Poslanik/zastupnik Zvonko Marić:

zahvaljujem predsjedavajuća, dame i gospodo, drugarice i drugovi, poštovani gledatelji koji pratite ovaj tv prienos, iz ovog iscrpnog izlaganja komesara Halilovića otvaram mogućnost da se postavi niz pitanja. Ja ću samo neka od njih jer zadržat ću pravo da kroz diskusiju nešto kažem. Na ovoj hitnoj sjednici od zakašnjenjem od sedam dana, koja kako kažu ima savjetodavni karakter. Vi ste u izvještaju komesaru naveli broj vraćenih, otuđenih automobila. Molim vas da li taj broj ulazi i broj automobila za koje su vlasnici platili otkup? Sljedeće, tvrdite da zakonski ne možete prijeći entitetsku crtu. Interesira me da li postoji neka strategija nastojanje da se uspostavi neki kontakt, strategija razgovora da se donese određeni dokument između policijskih agencija na nivo BiH. Onaj ko smije, šta su ovlaštenja, koordinacije policijskih tijela na nivou države i slično. Interesira me također da li je potrebno vlastite redove istražiti ako kradljivci odmah nakon krađe kontaktiraju građane nudeći otkup svojih ukradenih auta. Na koji način oni to saznaju? Mislim da je puno složeniji problem nego što se ovdje želi predstaviti. I žao mi je što niste govorili o onome o čemu sam ja govorio od samog početka prošlog mandata kada sam insistirao o podacima o broju prijava koje podnese policija po poznatom nepoznatom počinitelju. I od tužitelja tužiteljstva isto to tražio. Po nekoliko hiljada prijava je bila razlika. Možda su ljudi ovdje mislili da sam ja lud ali to jasno pokazuje ako ste vi ukazali da statistikom se ne treba baviti jer ona zorno pokazuje puno toga.

Predsjedateljica:

Hvala lijepo uvaženi zastupniče. Zastupnica Selma Filipović pitanje.

Poslanik/zastupnik Selma Filipović:

Prije svega koristim priliku da pozdravim sve prisutne i da izrazim saučešće porodicama poginulih policajaca. Komesar Halilović je iznio mnogo toga. Na kraju ispade da policija osim ljudstva, opreme i vozila nema čak ni zgradu. Pitam sada komesara ako je uvidio određene propuste, ako je znao da je neophodan telekomunikacijski centar i da je neophodno staviti kanton Sarajevo pod vide nadzor ako je problem blizu entitetskog razgraničenja zašto nije izašao pred ovu Skupštinu, pred javnost, pred građane Kantona Sarajevo, ako i sam kaže i zna da je problem sa automafijom i krađom vozila dug već 20 godina, zašto se ranije nije tražilo i zašto se uvijek djeluje posljedično, a ne rješavamo uzrok i ne djelujemo preventivno? Komesaru, osjećate li se vi sigurno u Kantonu Sarajevo? Ja sam to pitala i komesara prije vas, gdina Čosića, pitam sada vas da li se vi osjećate sigurno i šta ćete poručiti građanima nakon današnje sjednice? Ne smijemo zatvarati oči pred javnošću. Mi smo osigurati sigurnost, dati mjere i djelovati preventivno i to na vrijeme, a ne kada se desi smrt, a mnogo u proteklom periodu se dešavalo ovih nemilih događaja. Na mnogo smo bili sahrana i dženaza. Hvala lijepo.

Predsjedateljica:

Hvala lijepo. Evo uvaženi komesaru hoćete li dati odmah odgovore pošto više nema pitanja.

Komesar Mevludin Halilović:

Pa evo ja ću od ovog zadnjeg. Znači kada je u pitanju problem vozila i da li se ja osjećam sigurnim. Ja se osjećam sigurnim. Poziv koji sam prihvatio nosi rizik najteže posljedice a to je da izvršavajući svoje poslove i zadatke budem dam i svoj život i tako sam i položio zakletvu kada sam stupao u policijske redove. Ja sam rekao činjenicu da problem datira 20 godina. Naveo sam podatak da smo imali 800 ukradenih vozila, da smo 2016 intenzivno preduzimali mjere. I u ranijem periodu 2010 naveo sam i akcije koje su preduzimane, da smo kada je u pitanju operativno komunikacijski centar inicirali ove aktivnosti pa imali smo i 2007 određene aktivnosti prethodnog menadžmenta oko iznalaženja rješenja za smještaj Ministarstva. Mislim da je tada bio ministar gđin Željko Mijatović, zajedno sa tadašnjim menadžmentom međutim evo, do današnjeg dana nije se iznašlo rješenje. Zajedno sam s ministrom razgovarao i pokrenuli smo tu inicijativu, naišli smo na odobravanje tadašnjeg premijera koji je ponudio odmah 3 miliona a rebalansom kada smo došli s informacijom, a bili smo kod jednog od načelnika gdje nam je prezentovano da je to završena stvar, pa gdje ste vi do sada, razgovori su se vodili, imamo mi prostor, to je prostor predviđen sa dvije lamele, tri podzemne garaže, možemo smjestiti sve idealno, idealno. Upoznali smo premijera, premijer je rekao imamo sada na raspolaganju 5 miliona, rebalansom ide 30 miliona. Idemo u realizaciju. U realizaciji smo došli do situacije da kada smo mislim da smo bili negdje u Zavodu za izgradnju na nekom od sastanaka da prostor gdje se nama to nudi nisu riješeni imovinsko pravni odnosi. Znači imamo situaciju da je taj prostor 5 fizičkih lica ima pravo raspolaganja ili su vlasnici. Znači to je nemoguća misija. Sljedeća stvar, mi smo samoinicijativno predložili i doveli do nivoa razmatranja na Vladi objekat VIK-a koji je na Pofalićima. I to je zaustavljeno rečeno je da je taj objekat postoji sporazum sa Zavodom za izgradnju stanova sa VIK-om da se na tom dijelu pravi stambeno poslovni objekat za izgradnju stanova. Nakon toga smo ponovo tražili da se s Opštinom Centar. Ponuđene su nam dvije lokacije, prostor Vilsonovo Šetalište koji prostorno nije veliki prostor ali daje nam se i prostor ispod tranzita gdje se nalazi Ahmetspahić pumpa ja mislim i taj jedan dio i na to smo pristali i taj je zaključak trebao ići na općinsko Vijeće Centar da nam se to dadne na korištenje kako bi evo u 2018 započeli neke aktivnosti i u 2019 da bi to krenuli. Mi nismo ništa da kažem prećutali, mi smo upozoravali, ne može niko reći da nismo upozoravali. Upozoravali smo kada je bila prva upotreba prema policijskim službenicima, prema građanima, ali nemojte očekivati da policija kantona može riješiti administrativna rješenja koja su uspostavljena u Dejtonu. Znači maksimum se preduzima što se tiče Uprave policije i odgovorno vam tvrdim od 2016 od kako sam v.d. Komesara kada sam naredio da se na ulice Kantona Sarajevo izađe sa dugim cijevima, da izađu naše jedinice da smo stanje od 2016 do današnjeg dana drastično popravili. Znači popravili. Evo i sam podatak da imamo manje 110 vozila, ali očekivati da policija kantona u ovoj situaciji ili da nam se prebacuje da smo mi krivi za dejtonsko ustrojstvo BIH, kada je u pitanju saradnja, dobro mi znamo kakva je ta saradnja, i zašto je neko u dosadašnjem periodu, ja govorim za ovaj slučaj, da imamo izvanrednu saradnju sa upravom policije MUP-a RS, sa svim agencijama. Ali mi nemamo podataka, znate. To je isto kad u ring uvedete borca, svežete mu ruku. To je isto kada je u pitanju zakonskog ovlaštenja koje ima uprava policije po mjesnoj nadležnosti. Mi smo nadležni. To je mjesna nadležnost postupanja Uprave policije kada su u pitanju krivična djela. Naveo sam šta je propisano zakonom i zašto su uspostavljene ove državne institucije, upravo iz ovih razloga koji prevazilaze kapacitet zakonske, ljudske neću reći zato što imamo dovoljno ljudstva, ali kada je u pitanju organizovani kriminal koji je dat isključivo u nadležnost FUP-a, SIPE, i vi očekujte sada da to jedna lokalna policija na tom nivou. Ja sam za saradnju u svakom slučaju. Ali evo, sve što možemo uraditi, to je da preduzimamo mjere, i preventivne i represivne. Sve ove akcije od 2010

su vođene na osnovu informacija Uprave policije, Panorama, Pandora, Trebević, Volan, Hum, Kamen, već ne znam jedni su vođeni pod nadzorom Kantonalnog Tužilaštva, ali je nosilac aktivnosti bila Uprava policije. Zadnjom akcijom Volan, pod nadzorom Državnog Tužilaštva rasvijetljeno je 200 krivičnih djela teških krađa skupocjenih vozila. 2016 imamo situaciju da se puca na policajce. Uzvrćali smo i mi vatrom. Evo prepoznali smo problem, evo nismo skršenih ruku, nego smo tražili od Vlade, Vlada izašla kada u pitanju i broj ljudstva i nabavka zaštitne opreme. Ali dozvolit mi da kažem da nije primjereno da policajac koji radi na poslovima rad policije u zajednici, nosa pancirni šljem, ili zaštitni prsluk ili. Evo osigurati ćemo policijskim službenicima da imaju interventne patrole, da imaju u službenim vozilima ta sredstva za zaštitu a kada je u pitanju ova saradnja, mi imamo potpisanih protokola kao što imamo u političkom uređenju. Pa ne krivimo nikada neke druge. Što se tiče Uprave policije MUP-a Kantona Sarajevo mi smo spremni na svaki vid saradnje. Potpisali smo evo i kada su u pitanju migranti, mi smo ti koji smo nosioci, koristili svoja vozila, ne želimo da kažemo da policija Kantona Sarajevo pravi bilo kakve granice. Upoznao sam i premijera i Vladu da smo mi svojim vozilima prebacivali migrante na područje Ušivak. Nismo pravili nikakve granice da kažemo e sada nećemo da postavimo punktove pa da vraćamo kao druge policijske agencije. Mi smo za jedinstvenu BIH na žalost, imamo sistem kakav imamo, plaćamo i mi cijenu, mi smo u službi građana da zaštitimo građane i njihovu imovinu, ali ovo je situacija kakvu smo naslijedili, kakva traje od 96. napravljeni su pomaci. Kažem ako se nastavi ova saradnja i ako stvar kada su u pitanju ova krivična djela preuzmu nadležni organi, onda možemo računati da možemo rješavati uzrok problema. Uzrok problema mi svi znamo. Da ne bude da je to samo po nekoj etničkoj ili nacionalnoj ima izvršilaca krivičnih djela teških krađa i na području kantona i na području Istočnog Sarajeva. Ima tu i onih koji posreduju, ima tu radi se o krivičnim djelima koja su vrlo složena. Radi se o krivičnim djelima koja po nama spadaju u kvalifikaciju organizovanog kriminala s kojima se parcijalno ne može boriti. I zato su uspostavljene ove agencije da se mogu prelaziti entitetske međukantonalne linije, i da se mogu preduzimati. Mislim evo, broj vraćenih vozila postoji. Mi imamo ono što je nama prijavljeno. Sigurno da postoji jedan broj lica koja su vratila vozila, koja nam nisu prijavila. Ne žele saradnju, jednostavno kažu našao sam vozilo. Mi imamo operativna saznanja da su oni posredstvom određenim lica vozila vratili davanjem novčanih sredstava ali to je da kažem u jednom periodu bilo u kontinuitetu. Mi sve one koji se obrate nama želimo da u skladu sa zakonom preuzmemo mjere i da ih zaštitimo i da na neki način zakonskim putem riješimo ovaj problem. Ali kada je u pitanju izvršavanje ovo su zakonski okviri koje mi radimo i budite ubijedjeni da je drugačije možda bi došli u situaciju da dođe do pucanja na međuentitetskoj. Mi ne želimo da pravimo ni međuentitetske ali jest, kada su u pitanju teške krađe jedan od uzroka je blizina međuentitetske linije. Situacije je da ne bude da samo dolaze iz drugog entiteta, ima i naših kriminala odavde, mislim naših, njihovih, svi su oni kriminalci ali postoji ta neka saradnja. Mislim evo to je.

Predsjedateljica:

Hvala lijepo uvaženi komesaru Halilović. Otvaram raspravu. Za raspravu se prvi javio uvaženi zastupnik Rasim Lakota, izvolite.

Poslanik/zastupnik Rasim Lakota:

Hvala. Uvažena predsjedateljice, dopredsjedavajući, kolegice i kolege zastupnici, premijeru, ministri, komesaru, cijenjeni predstavnici medija i građani Kantona Sarajevo. Na početku ovog obraćanja u povodu rasprave o aktuelnoj sigurnosnoj situaciji u Kantonu Sarajevo, želim prije svega uputiti izraze dubokog suosjećanja sa porodicama ubijenih policijskih službenika Šehović Adisa i Vojinović Davora koji položiše svoje živote za sigurnost svih nas, kako građana tako i posjetilaca ovog kantona, odnosno države BIH. Moj dugogodišnji rad, posebno u vrijeme kada sam radio u Srednjoj policijskoj školi, a zatim Policijskoj akademiji, vezani za profesiju policajaca i one koji su izabrali da budu na strani Zakona, odnosno da budu u službi zaštite

građana, njihove lične sigurnosti, ali i sigurnosti ustavnog poretka ove zemlje. S tim u vezi mnogih policijskih službenika se sjećam iz vremena kada su kao dječaci birali put školovanja u Srednjoj policijskoj školi. A evo neki od njih, vršeći časne i odgovorne policijske dužnosti, dadoše svoje živote. Neću govoriti o detaljima težine, složenosti i odgovornosti policijske profesije jer je to nešto o čemu ne treba posebno govoriti. Međutim, iz ugla rasprave o sigurnosnoj situaciji u Kantonu Sarajevo, moram naglasiti da se policija Kantona Sarajevo susreće sa najsloženijim i najvećim sigurnosnim izazovima, te da je kroz svoj rad i djelovanje pokazala spremnost, znanje i umijeće da se odupre i uhvati u koštac sa svim tim izazovima. Tome svjedoče na hiljade lica lišenih slobode, podneseni izvještaji, prijave, nalozi, razna osiguranja javnih i drugih događaja. Odnosno sve ono što je u nadležnosti naše policije, ali nerijetko je opterećena i onim što nije njena primarna i isključiva nadležnost. Kroz svoj mandatni rad u ovoj Skupštini, u skladu sa svojim mogućnostima davao sam podršku rada policijskih službenika Uprava policije MUP-a Kantona Sarajevo, a napominjem, da smo mi kao zakonodavni organ u ovom kantonu donijeli nekoliko krucijalnih propisa poput Zakona unutrašnjim spolovima, Zakona o nabavljanju držanju i nošenju oružja i municije, Zakon o policijskim službenicima kao i nekoliko zaključaka u cilju unapređenja kako uslova rada, tako i rada efikasnijeg djelovanja ovog policijskog organa. Nadalje, treba podsjetiti da je Vlada Kantona Sarajevo u ovom mandatnom periodu, a u čijem sastavu su pojedini članovi stranke kojoj ja pripadam, omogućili potpisivanje prvog kolektivnog ugovora kojim su poboljšana skromna primanja policijskih službenika. Prije nekoliko dana je školovanje na Policijskoj akademiji započelo 118 kadeta, te je odobreno zapošljavanje još 230 novih kadeta za koje je potrebno čim prije otpočeti konkursnu proceduru. Sve je to nešto čime se doprinosi poboljšanju sigurnosnog ambijenta u Kantonu Sarajevo i na čemu treba nastaviti u narednom periodu. Ono čemu smo svjedočili ovih dana jeste činjenica da se povratnici u vršenju krivičnih djela, dakle lica koja je policija u više navrata provodila, hapsila, obrađivala ponovo spominju kao mogući izvršioci i ovog brutalnog napada na naše policajce, odnosno da i dalje vrše krivična djela organizovanog kriminala. Umjesto da su u proteklom periodu ekspresno procesuirani pred nadležnim sudovima i sankcionisani adekvatnim sankcijama. S tim u vezi, moraju se analizirati i preispitati postupanja, kako Tužilaštva tako i sudova, u odnosu na lica koja su povratnici u vršenju najtežih krivičnih djela. Ali i sagledati eventualni problemi kod primjene pojedinih zakonskih normi koje se odnose na vođenje krivičnog postupka, izricanje presuda. Da li ima potrebe da se iste mijenjaju ili im je potrebo samo biti efikasniji u radu i oštriji u sankcijama. Ono što mi je žao, da nije završeno, a bilo je planirano jeste da nismo donijeli Zakon o platama i naknada policijskih službenika u Kantonu Sarajevo, te da do sada iako su planirana sredstva nije pronađena adekvatna lokacija za izgradnju moderne i funkcionalne zgrade za potrebe naše policije a koja bi omogućila bolje uslove rada i stvaranje preduslova za opremanje jednog modernog video nadzornog centra sve sa ciljem unapređenja sigurnosti naših građana i njihove imovine. To je moja zamjerka Vladi Kantona Sarajevo. Na kraju, želim se vratiti na nemili događaj te zahtijevam kao zastupnik u Skupštini Kantona Sarajevo u ime građana, ali i u ime pripadnika policije, da nadležno Tužilaštvo angažuje sve neophodne policijske agencije uključujući Upravu policije MUP-a Kantona Sarajevo, te dodatno intenzivira aktivnosti na pronalasku i hvatanja počinitelaca brutalnog ubistva policijskih službenika. A od suda da ih kazni maksimalnim sankcijama s ciljem stvaranja uslova za vraćanje povjerenja u pravosuđe, te da se pošalje svojevrсна podrška u radu policijskih službenika. Vlada Kantona Sarajevo zahtjeva da se realizuje planirane aktivnosti koje sam iznio kao zamjerku, te da pronađe mogućnost adekvatnog zbrinjavanja porodica svih poginulih policajaca u poslijeratnom periodu u našem kantonu. Naglašavam da našoj policiji dajem punu podršku u radu i očekujem da se ista kadrovski, materijalno i finansijski unaprijedi kako bi bila još bolja i efikasnija. Još jednom, izražavam žaljenje zbog gubitka dva dobra i časna policajaca. Hvala.

Predsjedateljica:

Hvala lijepo uvaženi zastupniče Lakota. Uvaženi zastupnik Goran Akšamija izvolite.

Poslanik/zastupnik Goran Akšamija.

Zahvaljujem uvažena predsjedavajuća. Pozdravljam se prisutne gledaoce medija. Kao prvo želio bih da napravim jedan mali uvod odnosno da se sjetimo dešavanja prije nepune dvije godine kada smo na ulicama imali sulude vozače i radi kojih su trebala da odu dva mlada ljudska života, to su životi Edite i Selme, koje danas sve manje i manje spominjemo. Organizirani kriminal, pogotovo što se tiče otuđenja ovih motornih vozila datira na ovim prostorima još ja mislim od 96 godine, znači svi smo bili upoznati sa tim problemima a šta se poduzelo i da li se krenulo u pravu borbu s tim kriminalom ja mislim da nije. Ne želim ovom prilikom kritikovati policijske službenike, nego isključivo pravosudni sistem, Tužilaštvo, koje je sve ovo dosta neozbiljno shvatalo i zahvaljujući tome ovi ljudi danas sasvim normalno hodaju ulicama i ne prežu od daljih radnji. Što se tiče ove sjednice, ja imam osjećaj da je Vlada dosta nepripremljeno njoj pristupila jer faktički nismo dobili nikakve nove informacije. Sve ovo nama poznato od ranije i predstavlja jedan čisti formalizam da bi se ispunilo eto da bi se ispunio zadatak održavanja jedne ovakve sjednice i da kažemo prisutna potrebna. Što se tiče ovih svih navedenih kratkoročnih i dugoročnih planova sve su oni divni i krasni ali da vidimo koji je to rok njihove realizacije koja su to sredstva. Da li treba još nešto napraviti. Ja mislim za dva miliona koja su planirana da je to u ovom trenutku strašno malo. Evo da krenemo opet od spomenute Edite i Selme. Da li je tih 10 novih kamera i par vozila presretača riješilo ovaj problem. Nije sigurno. Danas opet imamo sulude vozače u gradu i ako treba još nešto dalje poduzimati, pa dajte da ova to Skupština učini da se jednostavno dobije prava informacija da li treba još 200 policajaca, da li treba još 20 kamera, da li treba još 20 novih vozila pa da napravimo neki red u ovom gradu. Što se tiče objekta za smještaj policijskih službenika ja sam ovdje već pokretao jednom to pitanje, to je taj objekat VIK-a. Ovdje smo dobili demant od direktorice VIK-a koja je rekla da se tu neće graditi nikakav stambeni objekat nego da će se tu graditi centar za potrošače, za praćenje svih šema VIK-a u gradu. Danas taj objekat služi isključivo za odlaganje iskopnog materijala koji se tu odlaže za šta sam na ovoj Skupštini dva puta ukazivao na taj problem i da se ništa nije poduzelo nego se i dalje koristi u te svrhe. Pa da li ova Skupština može zauzeti stav i dati taj objekat na raspolaganje da se izgradi napokon jednom kantonalni MUP da se smjeste svi ovi objekti koji trebaju seliti i da imamo jedan pravi centar gdje može da se funkcioniše i radi kako treba. Ja u ovom trenutku pokrećem upravo tu inicijativu jer je dosta više tih stambenih objekata koji se grade i prodaju po cijenama od 3-4.000 KM u centru grada dok jedna prijeka potreba koja datira ja mislim još od 2009 godine kada je krenuo prvi prijedlog za ovaj objekat se razvlači i ništa se ne poduzima. Ja mislim da smo i mi ovdje dosta neozbiljni i dosta neodgovorni. Jer ako ova Skupština donese odluku tu više diskusije nema. Hvala.

Poslanik/zastupnik Zvonko Marić

Zahvaljujem predsjedavajuća. Iskreno, imam problema sa razumijevanjem karaktera ove Skupštine iz prostog razloga što se ona zove hitna a saziva se nakon sedam dana. To je nelogičnost neprihvatljiva ko logički promišlja i uopće promišljanja. Onda kasnimo pola sata početak sjednice, pa onda čekamo zaključke, i ovo što je rekao kolega Akšamija smatram da smo nepripremljeni ušli u ovakvu sjednicu. Hitna sjednica savjetodavnog karaktera. Mi treba kao da nešto posavjetujemo ljude koji obavljaju svoj posao ovdje. Mislim da su ovdje uloge pomiješane. Ovdje se insistira ne nečemu što je samo deklarativnog karaktera. Ovdje ćemo izraziti žaljenje, zabrinutost, itd. to pomodarstvo. Šta mi zapravo možemo ovdje da uradimo ovom sjednicom. Koja je svrha ove sjednice. Ovo o čemu sada izlažemo neugodnim pitanjima ljude koji nisu najviše krivi u svemu ovome što se dešava, to su predstavnici policije. Ja sam u postavljenim pitanjima rekao na čemu sam insistirao. Gdje je ovdje tužiteljstvo? Gdje je ovdje pravosuđe? Ovo je samo jedan dio spektra problema o kojima bi trebala možda da raspravlja ova

Skupština na bazi prijedloga i Vlade i resornog Ministarstva i također policijskih organa menadžmenta itd. Sulud je posao da ovo raspravljamo bez pravosudnih organa. Kako je moguće sama statistika kaže 49 ljudi je za 24 sata uhićeno ili uhapšeno jer su poznati kao povratnici u počinjenje krivičnih djela kao auto-mafija i sada je taj broj na 60 se povećao. Dakle jasno je policija ima sve podatke o tim ljudima. A zašto su oni na slobodi? Sada bi trebali da otvorimo pitanje i kaznene politike. Kakav je raspon kazne koja je zapriječena od 3 mjeseca do 10 godina i obično to bude presuđeno 3 mjeseca. Pa to je neozbiljno. Gdje to ima. I predlažem da se prestane sa ovakvim glupostima u 21 vijeku. Tri mjeseca do 10 godina. Na šta to liči? To je karikaturalno. Žalosno. I kakvu mi poruku sada treba građanima da uputimo. O čemu da raspravljamo. Pa čuli smo iz medija, Skupština je posljednja koja treba nešto da zna i da bude informirana jer smo sve već manje-više čuli u medijima. Jedan od zastupnika je rekao da treba ovo biti savjetodavna sjednica. Molim vas, pa pazite pri tome je taj zastupnik diletant kao što smo i mi svi ostali ovdje diletanti za posao većina nas da kažem za taj posao. Savjetodavan karakter. Pa nismo u Sparti. Šta je ovo? Vijeće staraca. Druga stvar, mnogo je problema o kojima ovdje ne govorimo. Sada se govori o tome kako ne postoji zgrada za smještaj, kako evo vrlo precizno je rekao i komesar nabavili smo nove Glokove, mislim njih hiljadu evo ja sam već zapisao ovdje. Ali to nije spriječilo kriminalce da poćine gnusno djelo. Znači nije problem u tome u Glokovima. Gdje su stari Glokovi? zbog čega su oni zamijenjeni, ko je procijenio da se trebaju zamijeniti ti Glokovi. Pa onda također komesar kaže trebaju nam pametni softveri. Pa ko onda to određuje prioritete šta će se prvo riješiti šta će se nabaviti i šta će poboljšati efikasnost rada policijskih organa. U tome jeste problem. Mi ako se sjećate, jedan je također od zastupnika izjavio naša će biti inicijativa da pokrijemo video-nadzorom cijeli grad. Pa slušali smo i u vrijeme premijera Konakovića i dali jednoglasnu podršku da se pokriju ključne pozicije u gradu video-nadzorom. Pa se raspravljalo. Pa tu su ključni tenderi ko će dobiti posao. I onda to traje evo kako kaže komesar i 20 godina. Naravno komesaru i ministru Mulabdiću ne adresiramo sve ovo ali ovaj problem postoji. Sama rečenica ako čitate između redova kada kaže komesar ovakva situacija je eskalirala ubistvom dvojice policajaca. Znači da je postojala situacija koja je eskalirala. To je čista logika. Dakle tu nema nedoumice. Zašto je eskalirao, zašto se čekalo da ona eskalira. Pored navedenih neozbiljnosti koje urušavaju sve ono što mi danas radimo i što smo radili prethodnom periodu, a ne znam zašto to radimo nije valjda da smo došli do toga da okrećemo glavu od onoga što smo sami stvorili. Čime. Neznanjem. Nemoći, neradom. I to sutra može doći do svih nas. Ja se samo pitam šta će polučiti ova sjednica. Toliko ima Zakona koji se ne primjenjuju a da ne govorim o zaključcima koji će biti eventualno usvojeni ovdje. Kome to treba. I zato insistiram da pristupimo ozbiljno ovom alarmantnom problemu i na neki način mislim da je ovdje riječ o nedostatku pristupa i strategije. Ja razumijem okolnosti u kojima donosi menadžment policije Kantona Sarajevo odluke zbog same činjenice o kojoj je govorio i komesar, znamo kako je uređeno ovo društvo, koliko imamo policijskih agencija, entitetske crte itd. Ali evo, konkretno dolazimo na neki način sa Ilidže i bilo je već rečeno i onda je zapelo oko tendera da se pokrije kakvim takvim video-nadzorom. Bolji je ikakav nego nikakav. Ali je sve stopirano. I pazite sada, notorna je glupost sada očekivati i pokretati inicijativu da se pokrije video-nadzorom cijeli grad. Pa dali smo podršku. Pa gdje je zapelo. Pa neka odgovaraju svi ti ljudi koji su stopirali sve ono što smo mi ovdje inicirali u svrhu poboljšanja sigurnosnog ambijenta u Kantonu Sarajevo. Stotine miliona su otuđene u proteklih 20 godina. Ko je sprječavao i tu vlast i te komesare i šta ja znam ministre da rade svoj posao, da suzbijaju kriminalitet na području Kantona Sarajevo? Komesar mi nije odgovorio na pitanje kako na koji način? Moramo biti analitični u svemu doznaju vlasnika broj telefona kriminalci da ga istog trenutka za pet, deset minuta zovu i traže novac za otkup automobila? Gdje je ta karika? Zašto nismo samokritični prema tome? Također ministar Mulabdić kaže moli građane na uvažavanje kada im se obrate policajci. Pazite, ne trebamo i komesar je to rekao u ovoj vatri, u ljutnji, biti ishitreno reagirati. Uvažavanje je potrebno obostrano. Znamo mi kako se znaju određeni policajci uz dužno poštovanje posla koji obavljaju, i rizika i hrabrosti koju ispoljavaju u

obavljajući u ovim složenim vremenima svoj posao. Ali znamo i za nepoštovanje i neuvažavanje i sa druge strane. Pa elementarna je pristojnost da bude obostrano uvažavanje i kod policije, da ne navodim sada ovdje primjere. I na kraju. Barem ovoga što ću kazati u ovom obraćanju, ja znam da postoje ljudi koji ne vole da čuju istinu iz prostog razloga što bi time bile srušene njihove iluzije i pokušaj manipulacija. Ja ne pristajem da budem taoc takog nečeg niti mi iz Kluba SBB-a želimo tako nešto. Insistirali smo, podržavali smo svaku ideju koja je bila napredna. Da li je ikada izostala bilo kakva podrška policiji za poboljšanje kvaliteta njenog rada. Govori se sada o zgradi. Pa pazite sada jednu stvar. Koliko egzistira taj problem. Pa VIK kaže praviti će se tamo objekat. Imate na kraju krajeva i KAMPUS. Zašto gradski oci, zašto vlast na području Kantona ne dodijeli dio KAMPUSA pored Američke ambasade nego se tamo parkiraju autobusi. Gdje je osjećaj. Imam osjećaj također vezano.

Predsjedateljica:

Isteklo vam vrijeme. Uvažena zastupnica Selma Filipović izvolite.

Poslanik/zastupnik Selma Filipović:

Na samom početku želim istaći da se pitanje sigurnosti, odnosno nesigurnosti u Kantonu Sarajevo povlači drugi niz godina o čemu svjedoči bezbroj postavljenih pitanja zastupnika u ovoj Skupštini a isto tako i podnesenih inicijativa. Te kada bi se uzele u obzir samo inicijative koje sam ja tokom osmogodišnjeg mandata podnijela da se održi tematska sjednica, siguran bi se ovo pitanje nesigurnosti u kantonu riješilo koliko-toliko. Čak sam davne 2013 godine po ne znam koji put na zamolbu građana tražila održavanje tematske sjednice da se utvrdi stepen sigurnosti života, da se tadašnja Vlada i ministar očituju i donesu potrebne mjere i radnje u vezi sa osiguranjem većeg stepena sigurnosti građana. Ukvaživala sam na nedozvoljeno nošenje oružja u Kantonu Sarajevo. Nedozvoljen promet opojnim narkoticima. Na trke automobila, povećan stepen krađe automobila. Potom da je život u Kantonu Sarajevo bio siguran samo onda kada nas posjećuju strane delegacije, recimo Papa Franjo itd. Tražila sam da se predlože konkretne mjere i da se policiji pomogne a ne da se policija kritikuje. Ja razumijem strah i premijera Zolja, i nerad pristanak da se ova sjednica današnja održi i to da se ne bi slučajno kritikovala policija. Dužnost i obaveza svih nas ovdje je da osiguramo siguran život našim građanima, našoj djeci i nama samima. Silni novac se izdvaja za ovaj sektor ali rezultata na žalost nema. Zašto nema, to ćete nam vi reći? Jedno je sigurno, a to je da se djelovalo blagovremeno i konkretno ne bi imali ovo danas što imamo. Smrt naših policajaca smrt djevojaka na Marin Dvoru, pokosene strane državljanke kod Predsjedništva itd. Neko je kriv za ovo. Morate reći javnosti ko je kriv za novonastalu situaciju. Ja se ne osjećam sigurno. A ne osjećam se sigurno, i to ne mogu reći ni građanima Kantona Sarajevo da se osjećaju sigurno, i to posebno nakon izjave direktora FUP-a gđina Dragana Lukača na televizijskoj emisiji od prije neki dan na N1, gdje je rekao da nema naredbodavno djelovanje nad komesarima u FBiH, tako da posebno nema niti može djelovati na teritoriji RS-a, malte ne kilometar jedan od nemilog događaja prije neki dan, policija FUP-a nije mogla djelovati, da je krađa automobila bilo, da ih ima i da će ih biti u većoj ili manjoj mjeri. I da je to život. Tek sada poštovani građani se osjećam nesigurno. I više nego kada sam sama bila žrtva auto-mafije, i kada je auto mafija pucala na mene. Taj policijski izvještaj možete pronaći u PS na Palama, i pročitati. Da se sve zna. Zna se. Ko radi, koje kriminalne grupe i odakle dolaze. Sve se zna, oči se zatvaraju i zatvarat će se sve dok ne postanemo ili smo već postale žrtve sistema. Istina je i ono što kaže državna tužiteljica prije neki dan a to je da kriminalci idu korak dva čak i tri prije policije. Da su bolje organizovani od policajaca i da kod njih nema međuentitetskih razgraničenja. Oni djeluju na teritoriji kompletne BiH. Slušam i gđina Aljošu Čamparu u svojoj izjavi kako kaže, iznosi da kantonalna Vlada kriva za ovo što se dešava u Kantonu Sarajevo. I da nije reagirala promptno. Da nije osigurala sredstva za video-nadzor, to je direktna optužba svih nas i naše Vlade. Pa eto pošto je gđin Čampara novi izabrani zastupnik u Skupštini kantona ja se iskreno nadam da će se

pobrinuti za bolju sigurnost svih građana. Na kraju a ne mogu da ne kažem i da ne čestitam premijeru bivšem Konakoviću da je ipak uključujući se lično pomogao u smanjenju stope ukradenih vozila u Kantonu Sarajevo. I sam je lično učestvovao u nekim akcijama. Time je zaštitio građane, zaštitio je njihovu imovinu, bez obzira na nerad tužiteljstva države BIH, na entitetska razgraničenja, na nemogućnost djelovanja na drugoj teritoriji itd. O ovome svjedoče brojke. Ako se uzme u obzir da je 2014 godine u Kantonu Sarajevo otuđeno 825 vozila, 2017 728 vozila, danas po izjavi gđina direktora FUP-a Dragana Lukača, do današnjeg dana u Kantonu Sarajevo otuđeno je 207 vozila. I na kraju svi priznaju da je taj broj smanjen poslije jedne akcije koja se dešavala na Ilidži o čemu svjedoči izvještaj u medijima i saznanja policijska. Zahvaljujem se.

Predsjedateljica:

Hvala lijepo uvažena zastupnice Filipović. Uvaženi zastupnik Fikret Prevljak. Izvolite.

Poslanik/zastupnik Fikret Prevljak:

Predsjedavajuća ja se zahvaljujem. Dopredsjedavajući, sekretaru, premijeru, ministri, kolege zastupnici, dragi gledaoci selam alejk i dobar dan vam. Ja iskreno želim saučešće ovim porodicama dvojice policajaca koji su dali svoje živote. Ali mi je žao što danas ne vidim ovdje prisutnim nikoga iz Tužilaštva. Ja ne znam da li smo mi trebali da ih zovemo na ovaj sastanak ali slušajući našega komesara koji je već često spominjemo Tužilaštvo, mislim da su oni bili dužni i obavezni i danas da budu prisutni jer su mogli sigurno uticati dosta u rješavanju ovih problema. Dešavanja koja nam se dešava već dugi niz godina oko krađe ovih vozila, ja se izvinjavam grlo mi je u pitanju, ali nadam se da ćete me čuti, koji se dešavaju dugi niz godina već preko 20 godina maltretiranja Kantona Sarajevo oko krađe vozila. Mislim da ova cifra o kojoj mi pričamo i spominjemo oko ukradenih vozila mislim da je puno viša, jer građani do sada mnoga vozila koja su im ukradena nisu ni prijavljivali. Oni su ta vozila sami sobom plaćali i vraćali. Koliko su naši građani samo poniženi i svi oni koji su odlazili i da plate i da vrate svoja vozila oni su svi ponižavani i maltretirani na neki način da bi vratili svoja ta vozila. Nama su poznata na kantonu sva ova dešavanja i u pitanju ako ćemo iskreno i oko droge i opojnih sredstava, mi vrlo dobro znamo na svim svojim opštinama gdje se oni okupljaju. Jesu to na stadionima, jesu to na mostovima, jesu to na nekim igralištima i dan danas to nam se dešava. Ovi zahtjevi koji su i prijedlozi za ove mjere. Evo ja ću vam recimo ukratko pročitati prvih par zahtjeva, neću vam čitati nego samo, pokriti video-nadzore, video-nadzor u policiji, proširenje upotreba sistema radio veze, praćenje policijskih vozila GPS sistemom, mobilna provjera podataka na terenu. Ovo nije ništa problem, sve ćemo mi ovo nabaviti, sve ćemo mi ovo kupiti. Ako treba Ministarstvo zgrada pa ja ne znam što pričamo o tim zgrada. Eno vam dole zgrada ono što je premijer Nikšić htio da uzme. Eno u Nedžarićima kud će ljepše mjesto gdje već policijske snage imaju dole smještene, imamo cijelu kantonalnu zgradu pa nek se smjesti gospoda i ministar i komesar. Ondje imamo ogroman parking za saobraćajnu zgradu. Znamo da je Nedžarići raskrsnica i brzih cesta i autoputeva i Nedžarića, Ilidže, Hadžića, Butmira, Novog Grada, Novog Sarajeva. Brzina intervencije prema Vogošći, Ilijašu upravo su to mjesto i područje gdje mi imamo svoje mjesto, svoju zgradu. Sve ćemo mi to riješiti. Ono nije ništa problem. Sve će se ovo nabaviti vremenom. Ja želim da doprinesem komesaru, ja ne želim da pričam da sam bio policajac 10 godina i znam neke mnoge poslove šta se dešavaju. U svim ovima pozadinama, krađama, drogama, lopovima, uvijek se nalazi u pozadini negdje neki policajac ili neki starješina. Uvijek se nađe kada god smo otkrivali ova krivična djela uvijek se neko nalazio u tim. Čistite svoje gospodo redove, i ja bih vas zamolio, komesar, ministar, vi morate svoj operativni štab, svoje pomoćnike, svoje operativce, uključite i akcija mora biti non stop. Nemojte mi govoriti bila operacija Kamen, bila operacija ova, bila ona. I to je iz mjesta u mjesto. Vi imate tako dobru policiju, tako dobru i obučenu specijalnu policiju kantonalnu, federalnu, imamo i opremljenu policiju. Ne možemo reći da nije opremljena. Imamo i opremu.

Ali nam fale operativni zadaci koji će se izdavati policiji i koji policija sigurno, uvijek vam je izvršavala i nikada vam nije odbila naređenja. Znači nama treba non stop evo kada uzmemo recimo za ovih sedam dana, ja vjerujem da nije ni jedno auto ukradeno. Djevojke kada su nam poginule, saobraćaj, policija, kontrola ali prođe dva mjeseca ili dvije godine i više niko i ne spominje to. Znači nama treba ljudi operativci kojima će biti naređivano, i koji će biti non stop u akciji. Nemojte da nam se dešava ponovo za dva mjeseca da počnu nam krasti vozila. Mi znamo da ti što krađu nose oružje, da oni pucaju, da oni maltretiraju, da oni na cesti uzimaju auta od ljudi. Istjeraju ljude iz auta i šta nam se desi. Ova dva ubistva što su naša dva policajca uradili, ja sam predlagao da se nagrade. Da se nagrade komesaru bez obzira šta će uraditi Tužilaštvo. Momak na Ilidži to je cvijeće od policajca, to je milina vidjeti takvog policajca i građana i pametna. Prema njemu su rafalno pucali iz automata on je iz pištolja uspio da odgovori i da ubije tog lopova. Treba čovjeka nagraditi. Njegovo nenagrađivanje, njegovo komešanje, iščekivanje od Tužilaštva šta će mu se desiti pa znate kako se to prenosi na ostale policajce. Pa šta u kaže poduzimati nešto, evo vidite šta se s njim dešava. Morate vi kao stariješine da stanete iza svojih policajaca, da imaju oni u vas povjerenja. Razlika između prijašnje policije i sadašnje policije. Sadašnja policija ima veću da kažem odobrenja, imaju veće mogućnosti nego prije. Ali prije je znao bolje stariješina da stane iza svog vojnika, iza svog policajca. Tražite akciju i nemojte posustati u njoj. Ova Skupština a sigurno ćemo svi jednoglasno podržati vas u svemu kada krenete i u opremanju i u akciju ali da riješimo te probleme za sva vremena. Hvala vam.

Predsjedateljica:

Hvala vam lijepo uvaženi zastupniče Prevljak. Uvaženi zastupnik Safet Mešanović izvolite,.

Poslanik/zastupnik Safet Mešanović:

Hvala lijepo predsjedavajuća. Uvažene kolegice, kolege, uvaženi ministri, premijeru, gledatelji pored malih ekrana, ja vas srdačno selamim i pozdravljam, dvoumio sam se da li da se javim ali mislim da je pravo vrijeme da se neke stvari zaista kažu i da se ovo na neki način ostane zapisano što su moje kolege prethodnici govorili, i što ću ja sada reći. Prvo da se zahvalim kolegi Fikretu Prevljaku koji je evo ovako lijepo rekao. I zaista podrška službeniku policijskom koji je tako hrabro postupio. I njega treba nagraditi a ne komesaru Haliloviću da se vi bojite odnosno da razmišljate šta će to sada u Tužilaštvu biti. Hoćete li vi biti kažnjeni, davati izjave i bilo šta drugo. Ne, ne vas i tog službenika treba nagraditi. Recite šta treba da uradimo a mi ćemo tu inicijativu pokrenuti, mi ćemo to uraditi za tog kolegu koji je na Ilidži tako hrabro postupio. Želim da podsjetim Skupštinu Kantona Sarajevo i gledatelje pred malih ekrana koji nas gledaju, sjećate da prije pet godina službenici policijski nisu imali u svojim vozilima goriva da idu ophodnju terena, obilazak terena. Sjećate li se da je prije pet godina situacija bila takva. Sjećate li se da pijani ministri MUP-a da su pravili sudare, odnosno imali su nezgode gdje su pješake gazili, gdje su druga auta udarali, odlazili sa mjesta dešavanja. Vi se toga sjećate da se to dešavalo. Pa za razliku od tog perioda mi danas imamo potpuno drugačiju situaciju koja je puno bolja. S druge strane, kada ministar Mulabdić kaže da građani imaju strpljenja da se fino ophode prema policijskim službenicima, ministre Mulabdiću žao mi je ali to ću reći molim vas dvije pune godine, deset puta sam upitao, da uradite jednu malu uslugu za IV policijsku upravu Novi Grad. Svaki put ste mi obećali nikada je niste realizirali. Vi znate koja je to usluga, naravno za objekat IV PU koja je tada bila III, a sada je IV. Nikada to niste uspjeli realizirati. To je jedna sitnica bila. S druge strane, kada komesar kaže da je policija zbog državnog uređenja BiH da ona nema ovlasti. Sjetite se komesaru kako to Srbija uradi pa u Potočare na dženazu pošalje desetine svojih agenata i naprave onakav kaos u Potočarima na dženazi. Sjetite se kako oni to mogu raditi i kako se to poslije sve zataška. A mi to ništa ne možemo uraditi. Komesaru, ministre ako je u pitanju objekat jedan za smještaj, matični ured da to bude zgrada znate kako se to uradi. To se pisma namjere pošalje u tri gradske opštine, obidete tri načelnika opštine i kažete načelnici mi hoćemo ovdje zemljište za naše sjedište. Tada se mijenja regulacioni plan itd. Tada

pravobranioci završe stvar. A dođe se na Skupštinu i mi to ovdje riješimo dignemo ruke kao za sve što smo riješili. Pa smo riješili bezbroj nekakvih slučajeva poslovnih prostora za biro za zapošljavanje itd. Pa kako to Nogometni fudbalski savez može kupiti objekat u Novom Gradu kako to svi mogu riješiti a mi ne možemo riješiti za naše najbitniju instituciju. Policija je naše lice i naličje. Mi smo to, vi ste mi. Vi ste prva odbrana za sve što se bude dešavalo u narednih 20, 50, 100 godina. Mi ne možemo se osloniti na armiju itd., vojsku zajedničku. Mi se samo možemo osloniti na vas. Vi ste nešto što je jezgro ovoga naroda. Dakle, nemoguće je da se te stvari ne mogu riješiti. S druge strane, komesaru Haliloviću bolje je da majka kriminalca plaću nego da mi, vi ste mi, nego da naše majke plaću. A recite mi koliko je to naših majki zaplakalo a koliko majki od kriminalaca u zadnjih deset godina. Mislim da je to izjednačeno negdje. Više je policajaca izgleda ubijeno nego kriminalaca u krađi vozila. Molim vas malo više hrabrosti u svom poslu, vi ste hrabri, vi to radite, ali više ipak inicijative s vaše strane i više samopouzdanja. Mi smo tu da vam pomognemo i mi ćemo vam pomoći. Dakle, toliko ste nam bitni da sve što zatražite ovdje i sljedeći saziv skupštine će sigurno udovoljiti i bit će vam udovoljeno za sve vaše zahtjeve. Samo malo više inicijative s vaše strane i malo više hrabrosti s vaše strane. Hvala lijepo.

Predsjedateljica:

Hvala lijepo uvaženi zastupniče Mešanoviću. Zastupnička intervencija uvaženi zastupnik Mirza Čelik.

Poslanik/zastupnik Mirza Čelik:

Zahvaljujem predsjedavajuća. Pozdravljam sve prisutne kao i gledaoce pored malih tv ekrana. Naime, evo moram zaista da reagujem jer evo dobili smo zaključke koje je na Kolegiju. Evo jednostavno nekako smo pričali o tim zaključcima i u zaključcima ne vidimo nekoliko konkretnih ideja koje su bile zajedno Kolegija a ne pojedinca. Molio bih da napravimo pauzu, svakako nam je vrijeme džume pa evo ako imate razumijevanja dat ćete nam pauzu za jedan sat. A prije samog početka sjednice tražim da održimo Kolegij da ponovo sa komesarom pređemo preko zaključaka i da utvrdimo jedan od zaključaka koji je bio Kolegija to je rješavanje upravne zgrade policije, na način kako smo to i na Kolegiju kazali. Bile su tri opcije i tražimo Kolegij gdje će komesar i uprava policije zajedno sa ministrom kazati koja od ta tri objekta bi bila najbolje rješenje za Upravu policije a ne da otvaramo danas na sjednici kada trebamo govoriti o nekim drugim stvarima, a pustiti upravu policije gdje je to najbolje rješenje za Upravu policije taj objekat i da na Kolegiju prije početka sjednice donesemo takav zaključak. Znači u ime Kluba SDA tražim pauzu od 1 sat a prije početka samog nastavka sjednice Skupštine Kantona Sarajevo da se održi Kolegij, da se prođe kroz ove zaključke kako bi imali zaključke konkretne poslije same pauze. Hvala.

Predsjedateljica:

hvala lijepo. Kolegij bi bio u 1 sat, je li tako? 12,45 Kolegij u 13,00 nastavak Skupštine.

NASTAVAK NAKON PAUZE

Predsjedateljica:

evo krećemo. Evo nastavljamo sa radom. Dakle, za raspravu se javila uvažena zastupnica Srna Segmedina Bajramović.

Poslanik/zastupnik Segmedina Srna Bajramović:

pa uvažena predsjedavajuća i pozdravljam sve prisutne. Pa evo svjedočili smo iz onoga što smo danas čuli i iz medija zadnjih dana da je brutalna likvidacija sarajevskih policajaca Davora Vojinovića i Adisa Šehovića u sarajevskom naselju Alipašino polje spada zapravo u užasne

dogadaje koji nam se iz godine u godinu ponavljaju a čiji karakter i nepopravljive posljedice imaju samo kratkotrajan efekat da nas sve zajedno ujedine u tom osjećaju bijesa zbog očigledne systemske nemoći da ovakve stvari zaustavimo i beskrajne boli zbog gubitka nedužnih života. Opet po ko zna koji put rekla bih, u javnosti čujemo buku zahtjeva za pravdom, hitnim hapšenjem i brutalnim kažnjavanjem počinitelja koja će bojim se brzo utihniti u raljama naše birokratije te nemoćnih i otužnih odnosa poluga sistema pravde koji već odavno svojim kontaminiranim odnosima i hroničnom neefikasnošću u djelovanju podstiče sve brutalnije oblike kriminala u našem društvu. Ništa od rata do danas nije toliko homogeniziralo i spajalo ljude i njihove emocije koliko tragedije i zločini u BIH: tragične sudbine i nerazriješene likvidacije dvojice mladića gotovo vršnjaka Davora Dragičevića u Banja Luci i Dženana Memića u Sarajevu kreirali su iskreno međuentitetsko jedinstvo u boli i traženju pravde. Međutim, činjenica je da su nas lažna demokratizacija i politizacija policije u našem društvu, specifičnost odveli u pravcu da su nam preforsirana naglašenost zaštite ljudskih prava ustvari kriminalce systemski pozicionirali u paravan za pretvaranje policajaca u glinene golubove. Tihi razgovori policijskih službenika u noćnim satima a koje svi mi već godinama dobro čujemo ukazuju da se kriminalci puštaju preko noći na razno razne intervencije. I sve je po Zakonu. A da nam je kaznena politika postala sušta suprotnost potrebnog i direktno stimulativna za kriminal. Rezultati istražnih i pravosudnih organa su nam decenijama preskromni što samo po sebi ukazuje da već godinama ne znamo šta radimo ni gdje idemo kada je sistem u pitanju. Dok mi provodimo kvazi reforme u pravosudnom sistemu kao društvu postajemo sve nemoćniji u suprotstavljanju kriminalcima. Mi jednostavno svi zajedno u ovoj sali ako želimo biti i odgovorni i iskreni moramo sebi postaviti neka pitanja. Da li je entitetska fragmentiranost i neharmoniziranost policijskih agencija nepremostiva prepreka njihovoj efikasnijoj borbi protiv kriminala i ako jeste ko je to u ovoj zemlji spreman biti prepreka da tu stvar mijenjamo? Ako je u javnosti postignut najveći mogući konsenzus politike i represivnog aparata da se organiziranom kriminalu može suprotstaviti isključivo zajednički, usklađeno i organizirano zašto su nam dosadašnji rezultati tako skromni da ne kažem nikakvu. Zašto nam je najvažnija karika sistema pravosudna potpuno paralizirana, oteta od građana i države, rasturene vlastitim problemima, nepotizmom, nekompetentnošću, neradom, klijentelizmom i notornom korupcijom. Dok god sami sebe ne prestanemo lagati, a već godinama na žalost nema dokaza da je drugačije, policajci će i dalje ginuti na braniku devastiranog pravnog sistema a svi mi danima i godinama nakon toga lagati jedni drugima kako mijenjamo stvari i kako smo nešto naučili do ponovnog susreta sa istom surovom realnošću. Bojim se da već godinama konformistički ignorišemo teze ozbiljnih domaćih međunarodnih stručnjaka kako sve države imaju mafije, samo mafije u našoj zemlji ima državu. Teška konstatacija, znam, ali svaki put sve realnija nakon što se u godinama iza nas prebrojimo u broju izgubljenih života i nerazriješениh okolnosti. Politika se umiješala u sve i svašta i zato nam je sistem danas takav kakav jeste. Na sve to nam ukazuju i relevantne međunarodne institucije koje nas faktički svrstavaju u društvo u kojima se njeguje kult korupcije, pa je slijedom toga onda i logičan zaključak i dalje niskog povjerenja građana u Tužilaštvo i sistem pravde uopšte. Nikada neću reći kako je za ambijent djelovanja i percepciju javnosti isključivo odgovorno Tužilaštvo. Naprotiv, smatram da se radi o kompleksnoj strukturi međuzavisnosti u kojoj je izuzetno važno da se linije sistemskog kredibiliteta ne prelaze. Međutim mi smo i dalje i trendovima u kojima je Tužilaštvo predugo u ovom prostoru političke linije, a političari previše u tužilačkom prostoru što samo po sebi predstavlja dovoljnu argumentaciju i za loš ambijent a i za percepciju javnosti. I iako pokušavam danima, nisam nikako uspjela da shvatim i dobacim šta je uloga današnje sjednice Skupštine. Da se skupimo još jednom pošaljemo poruku kako smo birokratski moćni a praktično nemoćni. Da još jednom zamažemo oči javnosti kako se kao nešto radi a nismo se godinama pomakli s mjesta. Debelo nešto smrdi u kompletnom sistemu i zato je vrijeme da svi zajedno istini pogledamo u oči. Džaba nama nove uniforme, auti i svemirska logistika kada su kriminalci i banditi uvijek dva koraka ispred nas. Dakle vrijeme je da svi zajedno shvatimo da je sigurnost naša zajednička

odgovornost u kojoj je policija samo prva na liniji i dok god ne uozbiljimo kaznenu politiku i rad Tužilaštva, sudove konačno dovedemo pred vlastiti sud časti, bojim se da ćemo stalno tapkati u mjestu i okupljati se na godišnjice i sazivati nove sjednice Skupštine nakon svakog novog slučaja bez bilo kakvog konkretnog efekta. Toliko zahvaljujem.

Predsjedateljica:

hvala lijepo uvažena zastupnice Segmedina Srna Bajramović. Uvaženi zastupnik Eldar Čomor.

Poslanik/zastupnik Eldar Čomor:

hvala uvažena predsjedavajuća. Bio sam se odjavio pa htjedoh se prijaviti poslije zbog toga što nisam htio ovom svojom diskusijom da skrećem pažnju zbog onoga zbog čega smo se na kraju krajeva ovdje okupili i o čemu pričamo i razgovaramo. Slažem se sa većinom diskusija svojih kolega u kontekstu podrške policiji, policijskim službenicima, Vladi Kantona Sarajevo, odnosno MUP-u da sve ono što su zahtjevi policije da im kao i do sada u većini slučajeva i udovoljimo kako bi stanje i sigurnost građana u Kantonu Sarajevo i državi bih veća i bolja. Ali htio sam ovdje pošto vidim da je bio i Kolegij, imamo u prijedlogu ovih zaključaka kratkoročnih ciljeva i zaključak broj 6 koji se odnosi na sada možda ne takav veliki problem migranata i migrantske krize koju je komesar spomenuo. Ali mislim da mi moramo biti svjesni da ukoliko na vrijeme i na adekvatan način ne poduzmemo određen korake po ovom pitanju mislim da može doći do eskalacije tog problema u Kantonu Sarajevo posebno na područjima boravka i pravcima kretanja migranata u Kantonu Sarajevo. Zbog toga ovaj zaključak 6 kod ovih kratkoročnih ciljeva mislim da bi trebali podržati i obratiti pažnju na taj segment. U cilju isto tako povećanja sigurnosti građana jer se oni mislim na migrante kreću se bez bilo kakve kontrole, potpuno slobodni, van ovih kasarni u kojima su smješteni, ulaze u naselja, obilaze oko škola. Voze se javnim prevozom itd. Znači svi mi razumijemo u kakvoj su oni na žalost situaciji se našli, sudbina kakva im jeste, i mi smo nekada bili i izbjeglice stoga razumijevanje. Ali bih volio da mi kao država, kao sistem znamo šta činimo i šta radimo i da ne pustimo da taj problem eskalira na način da u određenom području bude više migranata već lokalnog stanovništva. A vratit ću se sada na ovo bitniju i najbitniju temu danas, mislim da smo možda se danas po meni, pričali smo o zgradama, automobilima itd., slažem se neko je rekao da ne znam ti koliko zgrada napravimo a s druge strane ako imamo ljude koji su spremni da učine ono što su učinili Adisu i Davoru a time i građanima Kantona Sarajevo mislim da mi u takvom sistemu moramo tražiti i bolja rješenja. Strožiju politiku kaznenu. Veća krivična odgovornost itd. ali mislim da i današnji propisi i zakoni koje imamo nažalost onaj segment ovoga društva koji ni danas ne sjedi ovdje s nama, govorim o Tužilaštvu i sudu, čini mi se da će oni opet, bez obzira koliko mi danas ovdje pričali, šta zaključivali, koliko podršku materijalnu, moralnu i bilo kakvu drugu davali, policiji, policijskim službenicima itd., mislim da taj segment društva neće imati onaj osjećaj koji imaju građani Kantona Sarajevo mi ovdje kao zastupnici u Skupštini Kantona Sarajevo i bilo koja Vlada Kantona Sarajevo. Mislim da se odavde mora poslati određena poruka i sistemu sudstva da jednostavno i oni moraju imati više hrabrosti već što su je do sada imali. Mi znamo da su policijski službenici do sada intervenisali radili kao što je i komesar rekao razne policijske akcije, ali danas ga privedu, dovedu, sutra ga neko tamo drugi pusti. Koliko je takvih malih i velikih kriminalaca ovdje u Kantonu Sarajevo koji su prenoćili onako u nekom pritvoru i sutra bivaju poslani na slobodu bez bilo kakve odgovornosti. I onda imamo određene procese kada već dođe do podizanja optužnice, suđenja onda se to razvlači i nedogled. Znači nemamo nikakve ni poruke ni tim kriminalcima ni malim ni velikim šta im se može desiti i šta im se treba desiti ukoliko čine one stvari koje nisu svojstvene zdravom razumu bilo kojeg normalnog insana odnosno čovjeka. Zbog toga bez obzira koliko neko ne znam sada govorimo da li dajemo podršku. Naravno, trebamo dati podršku i MUP-u i Upravi policije u svim onim segmentima gdje oni misle da im je ona potrebna kako se ove stvari ne bi više dešavale. Mada i to, evo znamo imamo u zadnjih par godina imali smo veliku podršku od strane Vlade i ove Skupštine kroz budžete, većina ovih stvari koje su oni tražili od nas, mi smo im udovoljavali, pružali

podršku. Ali bez obzira na to, nažalost desilo se ovo što se desilo. Gnusno ubistvo dvojice policajaca, ranije isto tako u par slučajeva. Nadam se da ćemo poduzeti sve aktivnosti i mjere da se to više nikada ne desi. Hvala.

Predsjedateljica:

Hvala lijepo uvaženi zastupniče Čomor. Uvaženi zastupnik Amel Mekić. Izvolite.

Poslanik/zastupnik Amel Mekić:

Hvala vam predsjedavajuća. Pozdrav gledaocima ispred TV ekrana, premijeru, ministrima, zastupnicima i dragim gostima. Retrospektiva, prije tri godine sam u ovim istim skupštinskim klupama pokrenuo inicijativu da se uradi unapređenje krivičnog postupka i pooštri kaznena politika. Kako za povratnike izvršioce krivičnih djela, tako i za upotrebu i nelagalo nošenje vatrenog oružja. Poslije sam dobio poziv i gostovao na N1 gdje sam rekao da se ne osjećam sigurno u Kantonu Sarajevo. Policija, policijski službenici, komesar dobro rade svoj posao, časno. U sistemu odgovornosti niko nije spomenuo najslabiju kariku, to je Tužilaštvo i zakone koji izgleda nisu sprovodivi. Pitanje zašto služba nije na sjednicu pozvala tužioca i Nezavisni odbor. Zaključak, trebamo napraviti detaljnu analizu kako krivični postupak učiniti efikasnijim i bržim. Zašto? Zato što krivični postupci protiv lica koja su povratnici u vršenju krivičnih djela predugo traju. Tri godine pet i više. I još nešto, to je blaga kaznena politika. Od suda zahtijevati pooštavanje kaznene politike prema izvršiocima krivičnih djela. Hvala vam.

Predsjedateljica:

Hvala lijepo uvaženi zastupniče Mekić. Uvaženi zastupnik Elvedin Okerić, rasprava također izvolite.

Poslanik/zastupnik Elvedin Okerić:

Zahvaljujem predsjedavajuća. Uvažena predsjedavajuća, dopredsjedavajući, premijeru, članovi Vlade, zastupnice i zastupnici, građani pored malih ekrana, sve vas srdačno selamim i pozdravljam. Komisija za sigurnost je na svojoj sjednici razmatrala sigurnosnu situaciju u Kantonu Sarajevo i zbog ugroženosti situacije sigurnosne predložili smo Kolegiju, Skupštini Kantona Sarajevo da zakaže hitnu sjednicu na temu Sigurnosna situacija u pogledu brutalno ubijena dva policijska službenika i problem imigranata sa kojim se sve više susrećemo u našem kantonu. Tražili smo također od Kolegija da zaduži Vladu i komesara da dostave informacije o aktivnostima koje su provedene u prethodnom periodu te da dostave mjere i smjernice Kolegiju a Kolegij Skupštini kako bi mogli danas donijeti određen mjere za poboljšanje sigurnosne situacije u Kantonu Sarajevo. Kada je u pitanju krađa automobila, kao što smo mogli čuti u izlaganju i komesara i ostalih kolega, to je dugogodišnji problem sa kojim se susreće naše društvo i opravdana je zabrinutost građana u pogledu činjenja ovih krivičnih djela jer se građani pitaju ako policija nije u stanju sama sebe zaštititi kako da zaštiti njih. Komisija za sigurnost je u čitavom ovom periodu aktivno i kontinuirano razmatrala ovu temu, kao i ostale i došli smo do zaključka analizom informacija koje smo primali da su neophodna dva efekta kako bi se ova sigurnosna situacija unaprijedila. Kroz zapisnike smo vidjeli da nakon provedene akcije sa Tužilaštvom i postavljanja mamca na Ilidži da smo od tog momenta imali 80% u padu činjenje ovih krivičnih djela. Znači da su represivne aktivnosti dale rezultat. Mi od tog momenta nemamo više takve aktivnosti. Kada je u pitanju prevencija, smatrali smo i smatramo danas, i evo smo se ovdje složili sa komesarom u ovim smjernicama, kratkoročnim mjerama da je neophodna ugradnja video-nadzora na pet šest izlaza iz Kantona Sarajevo gdje graničimo sa drugim entitetom i možda pokriti nekih 10 ključnih razglednica u Kantonu Sarajevo kako bi policijski službenici u rasvjetljavanju ovakvih i sličnih krivičnih djela imali pomoć. Naravno ove kamere bi trebale biti priključene na operativne centre postojeće po uprava policija u Kantonu Sarajevo. Danas smo mogli čuti detektovanje problema. Ja ću kroz njih ovako malo

proći imam potrebu. Čuli smo da i prethodna Vlada i aktuelna Vlada sve učinila da MUP Kantona Sarajevo opremila materijalno tehničkim sredstvima, obezbijedila je sredstva za prijem novih policijskih službenika, s te strane Vlada Kantona Sarajevo je uradila svoj posao. Taj problem oko rješavanja smještaja MUP-a Kantona Sarajevo, odnosno rješavanja problema oko zgrade gdje bi se oni adekvatno smjestili, na žalost priča koja se voza već godinama, nemamo konkretnih rješenja. Evo sada smo konkretno u ovim mjerama, dugoročnim mjerama predvidjeli. Sramota je to za glavni grad jedne države da nemamo instituciju koja zadovoljava sve uslove, za instituciju koja štiti građane, njihovu imovinu, a znamo a je sigurnost stub države. Također smo svjesni decentralizacije sistema, i nadležnosti policijskih agencija. Također smo svjesni nadležnosti MUP-a Kantona Sarajevo po pitanju ovih krivičnih djela da faktički imaju nevidljivu granicu preko koje ne mogu prelaziti ne mogu dalje provoditi svoje operativne aktivnosti. Upravo iz tih razloga smo tražili da u skladu sa nadležnostima i mogućnostima preuzmемо preventivno represivne mjere one za koje nam ne treba pomoć i suglasnost većih nivoa. To nam je prava stvar koju moramo biti jasno opredijeljeni i istrajati u tim preventivno represivnim mjerama. Također, jedan od problema je kvalifikacija ovih krivičnih djela i sporazumni dogovor sa izvršiocima gdje se ova krivična djela tretiraju kao teži oblik krađe a ne organizovani kriminal i ostavlja nemogućnost djelovanja u potpunosti na način da bi se priveli izvršioci i adekvatno kaznili. Smatramo da se trebaju uključiti nadležne institucije na većem nivou pogotovo Tužilaštvo BIH kako bi mogli uključiti i SIPu u ovakva krivična djela koja ima nadležnost postupanja i u drugom entitetu. Još jedan od problema koje smo ovdje kroz diskusiju prezentovali su sigurnosne provjere policijskih službenika. Treba da znamo da te sigurnosne provjere su bile jedno vrijeme ukinute totalno niz godina su primani ljudi policijski službenici bez sigurnosnih provjera što ostavlja ogromnu sumnju, opravdanu sumnju da li su ti ljudi imali određene kanale koje su zloupotrebljavali pa smo prije nekih godinu dana, godinu i po dana aktivirali te sigurnosne provjere, pa smo dobili pozitivne rezultate na nekoliko policijskih službenika. Ali smo također govorili o lošem rješenju zakonskom koje je predviđeno kada su u pitanju sigurnosne provjere pa tako sada jedan policijski službenik kada dobije za praznik poziv od svog rođaka da mu čestita Bajram, ukoliko dolazi iz kriminalnog miljea on već ima osnov da bude tretiran kada su u pitanju sigurnosne provjere, a isto tako imamo krivična djela do 5 godina ako počinu policijski službenik neće biti suspendovan. To su ti nedostaci o kojima je komisija za sigurnost četiri godine pričala o ovim nedostacima. Na žalost bavimo se opet posljedicama i bavit ćemo se stalno posljedicama dok ne budemo jasno, hrabro prihvatili uzorke kojih smo svjesni popravili ih, u zakonskim i podzakonskim aktima, i tek tada će doći u potpuno unapređenje rada policijskih službenika. U prethodnom periodu smo također pričali o nedostatku stručnog kadra i edukacije kontinuirane kada je u pitanju policija. To smo prezentovali, zadokumentovali. Zastupnici u skupštinskim klupama su prepoznali taj izvještaj, podržali ga i kada smo prije par Skupština imali Zakon o policijskim službenicima gdje smo trebali temeljne probleme da usvojimo i riješimo po pitanju vrste i stepena stručne spreme, po pitanju povrede načela dvostepenosti, i drugih nedostataka koje ima Zakon o policijskim službenicima, na žalost, jedno smo pričali drugo radili. I sada, opet se bavimo posljedicama. I sve ćemo se baviti posljedicama dok ne budemo riješili uzorke. Uzroke su detektovali različiti organi Skupštine Kantona Sarajevo, prepoznali ih ugradili u smjernice dostavili Skupštini, dostavili Skupštini, međutim na samom kraju nismo uspjeli to ugraditi u Zakon. U tim smjernicama su bili također povećanje pravde i pravičnosti. To se najbolje ogleda kroz policijski odbor koji je u sukobu interesa. Kako da jedan policijski službenik bude motivisan da učestvuje u operativnim akcijama ovakvih krivičnih djela kada osam, devet, deset godina i više ispunjava uslove za unapređenje a ne bude unaprijeđen. A njegov kolega koji ima dvije, tri, četiri godine iskustva radnog, bude unaprijeđen a on ne bude. Pa čak i po 15 godina. Kako da taj policijski službenik bude motivisan da učestvuje i da radi na unapređenju sigurnosne situacije kada ambijent u kojem radi je nepravedan. Čak šta više ministra sam pitao prošli put da li smo dobili Zakon u kojem jasno postoji sukob interesa povreda načela dvostepenosti. Kazao mi je da

jeste, da ima ali ipak ćemo ga usvojiti. Istinu moramo govoriti ona je gorka, ali jedino nam ona može pomoći. Kada je u pitanju kaznena politika, također je predviđena ovim dugoročnim mjerama kao povećanje kazni za ova krivična djela pa napad na policajca ili policijske službenike tretira se kao napad na državu i smatram da te kazne trebaju da budu drastično veće. Također su predviđene izmjene i dopune zakonskih propisa na većim nivoima. Smatram da to treba na kantonalnom nivou, sada sam obrazložio zbog čega, možemo mijenjati oluke na kući ali ako nam temelji ne valjaju ti oluci nemaju svoju funkciju. Ovo bi bio moj osvrt po pitanju krađe automobila. Još ću dati osvrt po pitanju imigranata. Informaciju koju smo dobili od Uprave policije u kojoj se kaže, mislim da to imate na svojim stolovima, da ukupno krivičnih djela u Kantonu Sarajevo je počinjeno 25 od strane 30 imigranata. Radi se o sljedećim krivičnim djelima: krađa, teška krađa, ubistvo u pokušaju, razbojništvo, silovanje, silovane u pokušaju, otmica, oštećenje tuđe stvari, nedozvoljeno držanje oružja i eksplozivnih materija. Ovo su naravno informacije za koje smo smatrali da trebaju da danas spominjemo i da ih razmatramo i da također donesemo određene mjere iako smo opet svjesni da ništa apsolutno ne možemo posebno uraditi bez jasnog opredjeljenja viših...

Predsjedateljica:

isteklo vam je vrijeme 15 minuta. Žao mi je. Uvažena zastupnica. Prva diskusija, pardon. Uvaženi zastupnik Kemal Ademović izvolite.

Poslanik/zastupnik Kemal Ademović:

Hvala. Predsjedavajuća, zamjenici predsjedavajuće, sekretaru, premijeru i članovi Vlade, kolegice i kolege zastupnici, dragi gledaoci, sve vas srdačno selamim i pozdravljam. Želim se pridružiti kolegama koji su izjavili svoje saučesće porodicama policajaca, i da kažem nekoliko rečenica da dam svoj doprinos ovom našem današnjem zasjedanju. Dakle, danas razmatramo dva vrlo ozbiljna pitanja. I mnogo toga je rečeno. Dakle, živimo u društvu poremećenih vrijednosti, u društvu za koje ne možemo reći da je prisutna vladavina prava, te stoga policiji koja je u svakoj državi jedan od stubova, a sigurnost pretpostavka za razvoj svih drugih segmenata društva i funkcionisanje svih drugih segmenata društva dakle policiji zaista treba dati podršku i posvetiti uvijek posebnu pažnju. Čestitam i zahvalan sam i izražavam poštovanje prema svakom policajcu koji u društvu ovakvih poremećenih vrijednosti danas izađe da pošteno časno obavi svoj policijski posao, da odradi svoju smjenu. Zašto ovo govorim? U društvu poremećenih vrijednosti gdje je vas dosta kolega danas zastupnika reklo i o tome kakva je uloga Tužilaštva, sudova, pravosuđa u procesuiranju počinilaca ovih najtežih krivičnih djela, kolika su ta rastezanja, nagodbe itd., itd., ostavlja svakom časnom policajcu vrlo malo prostora da on taj svoj posao obavi pošteno, zakonito i časno. Svakako sve ove mjere koje su navedene ovdje podržavam i sve ono što i bez ovih mjera koje će usvojiti Skupština, što planira i misli učiniti policijski komesar zajedno sa svojim cjelokupnim tamo rukovodstvom njima zaista treba i moralna i svaka druga podrška da bi svoj zadatak obavili kako treba. Svakako policija kao samo dio društva je zapljusnuta ovim poremećenim vrijednostima, i ne može se, to je sistem spojenih posuda. Ne može se zaštititi jedan segment društva da se iz drugog ne prelije korupcija i sve ovdje što imamo ove poremećene vrijednosti. A šta su kod nas poremećene vrijednosti? Poremećene vrijednosti su da posao dobije onaj koji je manje sposoban, da na konkursu prođe onaj koji je manje sposoban. Da unapređenje u policiji dobije onaj koji je manje sposoban. Ima policajaca koji s magistratima i doktoratima šamaraju ulicu po 10 ili 15 godina i nemaju mrlje u karijeri ali ne mogu da se pomjere ni za centimetar. Razgovarao sam s jednim policajcem koji je takav, koji kaže kada sam se tek zaposlio u stanicu od mene je više obrazovanja je imao komandir. Od tada pa do dana prodefilovalo je puno tu ljudi ja se nikada nisam pomjerio ni za centimetar, ne znam zašto. Dakle ono što ja sugerišem komesaru, ministru i naravno svim onim koji se pitaju tamo, koji predlažu itd., vi morate da bi popravili stanje unutar policijskog organa, vi morate primijeniti više standarda pravičnosti i pravde. Dakle, neću uopšte da govorim o tome

da treba suzbijati korupciju, to se sve podrazumijeva. Ali kada su u pitanju ovi standardi pravičnosti i pravde, koji ljude dijele na nepravedan način na sposobne, nesposobne, podobne, nepodobne, sasvim sigurno u značajnoj mjeri, možda najznačajnije utiču na kvalitet rada cjelokupnog policijskog organa i svakog pojedinca u njemu. Vi vrlo dobro, i oni koji gledaju policajci vrlo dobro znaju o čemu ja govorim i ja to neću dalje razdvajati niti dijeliti na neke pojedinosti. Dakle, morate povesti računa o tome. Kako kod nas društvo reaguje ad hoc ako pogledamo u prošlosti bila je top tema nekoliko godina maloljetnička delinkvencija itd. Pa onda bila korupcija pa onda evo sada došlo na tapet krivično djelo otuđenje motornoga vozila koje je sada kvalifikovano ovim ubistvima koje naravno spada u organizirani kriminal a to je u nadležnosti tužilaca koji to kvalifikuju. U ovoj našoj zbilji, sjećam se da sa pokrenuo inicijativu za povoljnije penzionisanje policijskih službenika i da je to ova Skupština podržala. Kada smo to poslali prema Federaciji, Vlada federalna je odgovorila da to nema nikakve šanse. A onda su se sindikati policijski organizovali, izašli na ulice i svakako to je onda bilo usvojeno. Znači to je društvo poremećenih vrijednosti, da bi došao do nečega što je normalno u čitavom svijetu ovdje moraš izaći na ulice. Dakle sve dok se cjelokupno društvo ne bude mijenjalo i dok zaista ne budemo govorili o vladavini prava teško će se moći upravljati prstom na policiju i reći policija je organ koji ne radi svoj posao i ne radi ga dovoljno dobro itd., a svakako da je i policija može uvijek bolje od onoga koliko radi, kako radi, i to u dobroj mjeri zavisi od prvih ljudi, rukovodećih, i po parametrima koje smo čuli, nakon dolaska ovog komesara, da se stanje promijenilo na bolje. Ovaj slučaj koji se desio ne može niko garantovati da se neće desiti opet za 10 dana, za mjesec dana itd. Dakle, to se ponovo može desiti. Prije 15 godina bio sam u Nju Jorku u njihovom ovom policijskom nadzornom centru, razgovarao tamo sa ljudima. Naravno, Nju Jork je ogroman grad. Oni svako pola sata imaju takav jedan slučaj. To je višemilionski grad. Ali govorim o tome da je policijski posao opasan, odgovoran, povezan je sa nošenjem držanjem oružja. Ono što je specifikum u BIH jeste da su nekako policijski službenici, policajci, oni koji obavljaju te poslove sigurnosti nekako izloženi oni su kao glineni golubovi dok recimo u jednoj Italiji, sjećam se Crvene brigade, tamo su otimali političare, ubijali političare itd. Kod nas se samo ubijaju ovi koji su iz sektora sigurnosti. Novi problem koji je zapljusnuo a na temu kojeg će sasvim sigurno u budućnosti biti još sjednica jesu migranti. Kanton je taj koji ne može puno toga uraditi izuzev ovog dijela koji se odnosi na sigurnost i smještaj jednog broja tih migranata itd. A državni nivo je taj koji bi trebao da se da se tačno i strateški odredi prema ovom problemu a to je koliko BIH uopšte može da primi migranata, koliko može da zbrine, kakve su procedure prelaska prema EU jer ovo je očigledno tranzitna ruta od skorijeg vremena je tranzitna ruta prema Europi. Međutim nije tranzitna ako sve države okolo Mađarska, Hrvatska ako zatvaraju granice ako ne daju to dalje proći a nama se oni ovdje isporučuju. Dakle granična služba se mora u takvoj mjeri kapacitirati onda da je spriječi.

Predsjedateljica:

Isteklo vam je vrijeme uvaženi zastupniče Ademoviću. Uvaženi zastupnik Amar Dovadžija izvolite.

Poslanik/zastupnik Amar Dovadžija:

Hvala predsjedavajuća. Koristim priliku da sve toplo poselamim kako u sali tako i gledaoce pored TV ekrana. Također želim da uputim iskreno saučešće porodima ubijenih policajaca. Razmišljao sam uopće da li da se javim, da li da se ne javim, ali obzirom kao osoba koja već petu godinu na neki način bježi bitku kako sa Tužilaštvom, sa sudstvom, imao sam potrebu da kažem par stvari. Nije bitno da li je ova Vlada ili neka naredna, da li ova Skupština ili neka sljedeća Skupština da udovolji, sigurno će udovoljiti kako kratkoročnim tako i dugoročnim ciljevima. Ali moje mišljenje je da ovo neće riješiti ovaj problem. Mislim da je problem daleko dublji i da ovo hoće poboljšati rad kako policijskih službenika ali neće riješiti problem. Kao što je većina kolega rekla koji su diskutovali, na žalost nemamo ovdje predstavnike ni Tužilaštva ni

sudstva. Da se razmatrati i diskutovati o radu policije, policijskih službenika, mislim da mi na neki način možemo, normalno ima pojedinačnih slučajeva koji se daju osuditi, ali u globalu mislim da policijski službenici na neki način odnosno u većini slučajeva odrade svoj posao kako treba. Eh, kao što sam rekao na početku, kao neko ko je evo već petu godinu, četiri godine i sedam mjeseci bije bitku sa Tužilaštvom sa sudstvom, na žalost živimo u takvoj državi, živimo u takvom sistemu, gdje za sitne novce možemo gaziti preko mrtvih, možemo kupiti slobodu za sitne novce i zato kažem, da ukoliko sve ovo danas udovoljimo ovim zaključcima a ostane nam ono kako jeste sada trenutno o čemu je govorio kolega Ademović, mislim da apsolutno ništa nećemo dobiti. Hoćemo poboljšati malo rad policijskih službenika, i ali nećemo riješiti problem. I mislim da nije problem samo u MUP-u. Mislim da nam je problem u svakom segmentu društva. Na žalost kao što je rekao kolega Ademović. Počevši od zapošljavanja, počevši od obrazovanja, mislim da je ključna stvar normalno mi moramo da se trudimo da napravimo što bolji ugođaj, kako za življenje, tako i u svakom segmentu društva, ali ono što zaboravljamo, ono što ostavljamo nekako po strani, a mislim da bi trebali da se posvetimo tome jeste taj ljudski faktor. Jeste ta promjena svijesti kod onih ljudi koji obavljaju te ključne pozicije. Imali smo mi slučajeve sa smrtnim ishodom gdje smo imali i video-nadzore, gdje smo imali dokaze gdje smo imali sve, pa opet tamo taj neki ljudski faktor se pojavi i na žalost to sve i dana danas nakon dvije, tri, četiri, pet šest godina ostane nerješiv. Mislim da bi kao što sam rekao da trebamo počevši od onog predškolskog obrazovanja pa do najvećeg da pričamo o toj svijesti o odgovornosti, o profesionalizmu, nebitno da li kada nas zaustavi policijski službenik, pa kada treba da platimo kaznu od 20 – 30 KM u školi za dijete koje zasluži jedinicu, dvicu, tricicu, nebitno, pet, šest, desetku ocjenu, pa tako do ovih najtežih slučajeva. E tu kada stvorimo takav ambijent da bez obzira o kome se radi da treba da snosi posljedice onda možemo da kažemo da smo nešto napravili u ovom društvu. Toliko hvala.

Predsjedateljica:

hvala lijepo uvaženi zastupniče Dovadžija, uvažena zastupnica Selma Filipović druga rasprava. Izvolite.

Poslanik/zastupnik Selma Filipović:

Hvala lijepa. Danas smo čuli mnogo toga kako se može pomoći i koje mjere treba poduzeti da se osigura bolja sigurnosna situacija u Kantonu Sarajevo. Želim sugerirati samo da se može uspostaviti telekomunikacijski centar i u iznajmljenoj zgradi ako je to prijeko potrebno, da se osigura sigurniji život. Bojim se da upotreba dugih cijevi neće spriječiti kriminalne grupe, može im biti čak i izazov. Ipak, treba da se djeluje na drugi način. Sigurnost se neće osigurati samo silom već razumom. A to je da se omogući policiji moderniji princip djelovanja, odnosno praćenje video i audio, a ne da se naši policijski resursi zloupotrebljavaju u smislu slušanja i praćenja političara i njihovih porodica. Pa naši policajci i sigurnosne agencije pretvorile su se u uho i to pogrešno uho. Umjesto tužioci da naređuju da se slušaju i prate kretanje kriminalaca i da se na ovaj način omogući sprječavanje teških krivičnih djela, slušaju se i pratite nas i onda se prikupljaju informacije. Te prikupljene informacije se usmjeravaju, zloupotrebljavaju, i oblikuju kako odgovara određenim nalagodavcima. Policijska dužnost i obaveza je da štiti građane jer zato platu primaju. Čelnici pojedinih policijskih agencija vode privatne ratove i zloupotrebljavaju položaj. Je li to borba protiv pojedinaca ili je sistemska borba ako je sistemska borba gdje su onda rezultati? Hvala lijepo.

Predsjedateljica:

Hvala lijepo uvažena zastupnice Filipović. Uvaženi zastupnik Zvonko Mariću izvolite druga rasprava.

Poslanik/zastupnik Zvonko Marić:

Zahvaljujem predsjedavajuća ja sam se javio jer isteklo mi je vrijeme prilikom prethodnog istupa. U međuvremenu su se javile brojne kolege i imam neke replike i ispravak krivih navoda pa ću zbog ozbiljnosti ove Skupštine iskoristiti to i objediniti. Ono što želim da kažem je činjenica ta da pomalo zanemaruje a evo krenut ću s krivim navodom gđina Mekića koji kaže da niko nije pomenuo tužiteljstvo. Mislim da sam prethodnu diskusiju bazirao upravo na tome i reko suludo da raspravljamo o sigurnosnoj situaciji bez prisustva predstavnika tužiteljstva i pravosuđa. O tome je govorila kolegica Srna, kolega Dovadžija i svi drugi. Možda je gđin Mekić ili nije čuo ili je pripremio svoj govor ranije, ali zbog ozbiljnosti ovoga moramo reći da je ipak naveo krivi navod. Ovo o čemu mi raspravljamo danas, bojim se da će, ne želim naravno da širim pesimizam, biti u skladu s onim što je rekao kolega Dovadžija. Ne znam koliko će ovo unaprijediti efikasnost rada policije. Ova naša sjednica na čiju sam besmisao upravo u prethodnom izlaganju htio da ukažem jer naprosto, ukoliko nemamo predstavnika tužiteljstva, pravosuđa, svih segmenata koji čine sigurnosni sistem i ukoliko ne razgovaramo na način da znamo i treba to reći da je organizirani kriminal i ratni zločini uglavnom su u ingerenciji državnog pravosuđa. I tamo se vode postupci za organizirani kriminal. I zato možda i jeste ovo što je kolegica Selma pitala da li je ovo borba protiv pojedinaca jer očigledno da se fakturiše sve ovo Kantonalnom MUP-u i njihovim predstavnicima čije policajce uglavnom možemo pohvaliti za ono što rade u onim uvjetima koji su zadati ali isto tako ako ne uključimo u sve ovo i sve obavještajno sigurnosne agencije onda mi nismo napravili ništa. Šta zapravo rade obavještajno sigurnosne agencije, da li oni prisluškuju organizirane kriminalce ili ovo o čemu je govorila kolegica Selma Filipović jer imam osjećaj da zapravo obavještajno sigurnosne agencije prisluškuju organizirani kriminalci. I uvijek se čini da idu korak ispred institucija odnosno sigurnosnih agencija u BiH. To je poražavajuća činjenica. Ne znam da li je samo u ovom parlamentu, neki su ljute a govorili smo o uzrocima da se prvo treba ući još prije četiri godine, mene raduje da su neke kolege ponovile upravo ono što sam ja rekao da se ne mogu

Predsjedateljica:

Isteklo vam je vrijeme uvaženi zastupniče Mariću. Zaključujem raspravu. I moram da vas informišem da je Kolegij usaglasio zaključke na prijedlog Ministarstva, Policijske uprave, komesara da se isti ovi zaključci prezentuju, odnosno da ih sada pročitamo na Skupštini. Dakle radi se o kratkoročnim ciljevima i radi se o dugoročnim ciljevima. Ti zaključci su evo sada ću čitati ove kratkoročne ciljeve:

1. Pokriti videonadzorom izlaze iz Kantona Sarajevo i priključiti na postojeće operativne centre po postojećim policijskim upravama,**2. Videonadzor u policijskim vozilima,**

- Kompletan digitalni video sistem integrisan u staklu od retrovizora.
- Omogućeno snimanje unutrašnjosti vozila, kao i dešavanja ispred policijskih vozila.
- Po potrebi video sistem se može uključiti i isključiti
- Za snimanje van vozila možemo koristiti izdvojeni bežični mikrofoni i kameru

3. Proširenje upotrebe sistema radio veze,

- Korištenje dodatne opreme za rad na sistemu radio veze (radio stanice za prikriveni rad, izdvojeni mikrofoni, "gluhači", komunikatori...)
- Upotreba specijalizovanih dispečerskih aplikacija koje pružaju napredne funkcije i integraciju kao i upravljanje svim učesnicima u sistemu radio veze
- Modernizacija pokretnog centra veze u svrhu efikasnije komunikacije, posebno u kritičnim ili vanrednim situacijama

4. Praćenje policijskih vozila/patrola putem GPS sistema

- Samostalni ili sistem praćenja putem sistema radio veze
- Opcije praćenja u vremenskom intervalu ili na osnovu predene udaljenosti

5. Mobilna provjera podataka sa terena

- Provjera podataka sa terena/iz vozila direktno u bazama podataka putem laptop/tablet uređaja
- Povezivanje sa svim dostupnim bazama podataka civilnog registra i policijskih agencija kao
- i sa lokalnim bazama podataka
- Rasterećenje sistema radio veze
- Mogućnost brzog transfera slika ili drugih dokumenata sa terena ili na teren
- Radi provjere ili utvrđivanja identiteta osobe, moći će se skenirati otisak prsta i izvršiti provjera putem AFIS softvera
- Mogućnost skeniranja bar koda sa pasoša odnosno lične karte te provjera u bazi podataka.

6. Skupština Kantona Sarajevo nalaže Upravi policije da vrši pojačani nadzor i provođenje sigurnosnih mjera na području boravka i pravcima kretanja migranata, sa posebnim osvrtnom na područje Opštine Hadžići i kasarne Ušivak, kao i područja Opštine Trnovo i kasarne Delijaši, a sve u cilju povećanja sigurnosti građana.

7. Nalaže se Vladi da kratkoročne ciljeve kroz preraspodjelu sredstava iz Budžeta za 2018.godinu obezbijedi Upravi policije, a nedostatak sredstava planirati kroz Nacrt budžeta i Prijedlog budžeta za 2019.godinu.

8.

Ovo su bili kratkoročni ciljevi. Primjedba uvaženi zastupnik Elvedin Okerić izvolite:

Poslanik/zastupnik Elvedin Okerić:

u policijskim vozilima pod 2. kratkoročni ciljevi video-nadzor u policijskim vozilima gdje se mjera pod 3 kaže po potrebi video sistem se može uključiti i isključiti. Mislim da je to onda njegova funkcija i ne postoji. Mislim da treba stalno da je uključen. Što ćemo onda davati sredstva ako to neko može paliti i gasiti? Evo samo neka se izjasne zastupnici za ovu moju primjedbu može li po potrebi video sistem.

Predsjedateljica:

Dajem primjedbu. Izvolite uvaženi zastupnik Mirza Čelik.

Poslanik/zastupnik Mirza Čelik:

Ja bih vas lijepo molio da ako možete pitati nekoga iz tehničke službe odkud mi znamo zastupnici da li se nešto može nabaviti koje se može isključiti i uključiti. Hajte pitajte Upravu policije, komesara da li je to. To je prijedlog komesara i MUP-a. Maloprije smo na Kolegiju donijeli zajedno zaključke ove i sada pojedinačno kažemo evo trebalo bi nešto izmijeniti. Neću ništa da mi mijenjamo zastupnici ukoliko Uprava policije kaže da to mora biti ovako. Evo ja bih volio prvo Upravu policije da čujemo komesara pa evo možemo se izjasniti za kratkoročne ciljeve pa pročitajte dugoročne ciljeve i o njima da se izjasnimo. Ali bez saglasnosti uprave policije komesara, nemojte da. Ovo je na prijedlog uprave policije nije na prijedlog bilo kojeg zastupnika. Znači donešeno je od Uprave policije sve mjere- hvala.

Predsjedateljica:

hvala lijepo. Vi ste svakako pratili da je ovo sada donešeno, prema tome Kolegij je bio i mislim

da ne trebamo sada rasplinjavati ovu raspravu koja je ovoliko dugo trajala, i dajte molim vas da se stvarno. Uvaženi zastupnik Izudin Bajrović izvolite.

Poslanik/zastupnik Izudin Bajrović:

Imam samo jednu repliku na ovo. Radi se o toliko stručnim stvarima da zaista ja to nema nikakve veze sa policijskom strukom koju većina nas ovdje u ovoj Skupštini bojim se da padamo u zamku da na sebe uzimamo nešto što nije u našoj ingerenciji. I sada imamo pred sobom takve zaključke, koji su vrlo stručni, usko stručni, bave se bezbjednošću, bave se stvarima koje su nadležnosti nekih drugih organa, a onda ih još usput ad hoc onako i mijenjamo. Pa sada ćemo ovo primijeniti u toku glasanja, prije samog glasanja. Ja zaista se ne usuđujem u tom slučaju svoj glasi dati uopšte ako ćemo donijeti neke zaključke iza kojih ćemo stati, po prijedlogu organa koji su zato nadležni, onda dajte da to tako uradimo, da ne mijenjamo usput. Ne kažem možda je gđin Okerić potpuno u pravu, ali otkud ja to znam. Hvala lijepo.

Predsjedateljica:

Hvala lijepo. Mislim da ste u pravu. Uvaženi zastupnik Okerić replika.

Poslanik/zastupnik Elvedin Okerić:

Zamolio bih komesara da nam objasni s obzirom da je od njih prijedlog došao, da nam objasni zbog čega mora biti mogućnost da se može isključiti /uključiti video-nadzor po potrebi. Da li je neophodno da to stoji? Mislim da nema svrhe onda, nema funkcije nikakve.

Predsjedateljica:

Uvaženi komesaru hoćete li dati odgovor na ovo molim vas. Morate radi stenograma izaći za govornicu izvolite.

Komesar MUP-a Kantona Sarajevo Mevludin Halilović:

Znači kada vozilo nije u upotrebi, nema potrebe da je sistem uključen. A uključenje / isključene podrazumijeva da imamo iz Operativnog centra sliku direktnu aktivnosti koje preduzima policijski službenik. Znači policijski službenik nema mogućnost da isključuje / uključuje. Sistem se uključuje kada se kreće na teren i on će se isključiti kada se vrati sa terena, kada se vozilo razduži. Znači na to se mislilo. Policijski službenik ne može uključivati / isključivati jer je to u nadležnosti operativnog centra koji to radi. Tako da može ovo ostati jer prevashodno ovo je u cilju zaštite policijskih službenika da imamo vide snimak kada preduzima mjere i u vozilu i iz vozila. Znači neće nam se moći desiti evo korupcija da neko ponudi dadne novac. Mislim banalan je primjer ali evo da malo pojasnim.

Predsjedateljica:

Hvala lijepo uvaženi komesaru Halilović. Ja sada predlažem da se izjasnimo o ovim kratkoročnim. Da li se slažete da se izjasnimo o ovim kratkoročnim pa da onda pročitam dugoročne pa da glasamo. Ili hoćete? Evo hajte molim vas da se izjasnimo o kratkoročnim ciljevima koje sam upravo pročitala a imate ih na stolu. Otvaram glasanje. Zaključujem glasanje.

21 JE GLASALO ZA, PROTIV NIJE BIO NITKO I SUZDRŽAN NITKO.

KONSTATUJEM DA JE SKUPŠTINA USOVJILA OVE KRATKOROČNE CILJEVE.

Sada idemo na ove dugoročne ciljeve a to su:

DUGOROČNI CILJEVI

1) Izmjenu zakonskih i podzakonskih akata na višim nivoima, koji se odnose na ovu

problematiku teških krađa motornih vozila. U tom smislu iniciramo:

- a) izmjenu Krivičnog zakona F BiH, kojim je propisano krivično djelo Teška krađa, u smislu da se krivično-pravna radnja otuđenja motornog vozila izdvoji kao posebno krivično djelo, odnosno krivično djelo sa obilježjem organiziranog kriminala ili kao poseban stav unutar člana 287. KZ-a F BiH, s propisanom najmanjom kaznom zatvora u trajanju od 3 godine.
- b) da se pooštre krivično-pravne sankcije, odnosno kazne i da se iste adekvatno izriču, naročito povratnicima u vršenju krivičnih djela.
- c) da se izmjeni Pravilnik o upotrebi sile u članu 11. i to :

Član 11.

(Uređaj za prisilno zaustavljanje motornih vozila)

- (1) **Uređaj za prisilno zaustavljanje motornih vozila je sredstvo koje se sastoji od podloge u koju su usađeni šiljci koji se prolaskom motornog vozila zabadaju u pneumatike i tako otežavaju daljnje kretanje vozila.**
- (2) Ako policijski službenik nema kod sebe uređaj iz stava (1) ovog člana, za prisilno zaustavljanje može da koristi zaštitne ograde, specijalna službena vozila, službena vozila, rampe, **teretna vozila**, građevinske mašine i građevinski materijal.
- (3) **Uređaj za prisilno zaustavljanje motornog vozila sa četiri i više točkova može se koristiti radi sprečavanja bjekstva motornim vozilom osobe koja je zatečana u izvršenju krivičnog djela, bijega osobe koja je lišena slobode ili za koju je izdata naredba za lišenje slobode, nedopuštenog pristupa vozilom do objekta ili prostora gdje se nalaze osobe ili predmeti koje policijski službenik osigurava, radi sprečavanja dalje vožnje osobe koja je prije toga bila zaustavljena od strane policijskih službenika i nije poštovala naredbu policijskog službenika iz člana 152. Zakona o osnovama bezbjednosti saobraćaja na putevima BiH a koja osoba zbog nepostupanja po naredbi policijskih službenika daljom vožnjom motornim vozilom ugrožava javni saobraćaj i dovodi u opasnost život ljudi ili imovine.**
- (4) **Ispred mjesta na kome je postavljeno uređaj za prisilno zaustavljanje motornog vozila na odgovarajućoj udaljenosti pored puta, moraju se postaviti odgovarajući saobraćajni znaci, a po potrebi i odgovarajuće svjetlo u skladu s propisima o sigurnosti saobraćaja na putevima, a u slučajevima hitnosti obavljanja službene radnje uređaj za prisilno zaustavljanje motornih vozila može se postaviti i bez postavljanja gore navedenih odgovarajućih saobraćajnih znakova.**
- (5) **Uređaj za prisilno zaustavljanje motornih vozila sa dva ili sa tri asimetrično postavljena točka (motocikl) može se koristiti radi sprečavanja bijega osobe koja sa navedenog motornog vozila izravno ugrožava život policijskog službenika ili život drugih osoba.**

d) da se postupanje po prijavama teških krađa motornih vozila sa obilježjima organizovanog kriminala stavi (propíše) u nadležnost Državnoj agenciji za istrage i zaštitu BiH i Federalnoj upravi policije.

2) Izgradnja namjenskog objekta za smještaj Uprave policije MUP-a Kantona Sarajevo

Skupština Kantona Sarajevo nalaže Vladi Kantona Sarajevo da pripremi i dostavi Skupštini Prijedlog Odluke o prenosu prava korištenja gradskog građevinskog zemljišta na parcelama k.č. 2340, 2339/A i 2341 K.O. SP-Sarajevo-MAHALA LIII, po starom premjeru, što po novom premjeru odgovara k.č. 4160/10 k.o. Novo Sarajevo I, sa KJKP "Vodovod i kanalizacija" d.o.o Sarajevo na korištenje Ministarstvu unutrašnjih poslova Kantona Sarajevo, u svrhu izgradnje namjenskog objekta za potrebe Ministarstva unutrašnjih poslova Kantona Sarajevo.

3) **Uspostava modernog operativno-komunikacijskog centra**

- Zahtjeva moderni prostor za smještaj ljudi i opreme koji bi 24 sata bili zaduženi za praćenje sistema radio veze, telefonije, video nadzora i sl.
- Video zid na koji se po potrebi mogu projicirati željeni sadržaji sa dostupnih sistema
- Moderna ICT oprema za kontrolu svih dostupnih sistema sa jednog mjesta
- Centralno mjesto prikupljanja i razmjene svih informacija sa terena
- Povezivanje sa operativnim centrima policijskih agencija ili drugih službi (hitna, vatrogasci, civilna zaštita, gradski prevoz i sl.)

4) **Nabavka savremene opreme za videonadzor**

Kamere visoke rezolucije sa PTZ opcijama i prilagođene noćnom radu

- Standardizovani i pouzdani prenosni tj. komunikacijski putevi (telekomunikacijska infrastruktura velikih kapaciteta – optika)
- Centralizovan nadzor u operativnom centru i po policijskim upravama/stanicama
- Korištenje ANPR/LNPR video analitičkih sistema i kamera koje u realnom vremenu prepoznaju tablice vozila
- Povezivanje sa videonadzornim sistemima drugih organizacija (vatrogasci, javne kompanije, gradski prevoz, općine, policijske agencije, ambasade, banke, privredni subjekti itd.)
- Nabavka termalnih kamera i dronova sa kamerama visoke rezolucije koje se koriste u posebnim situacijama

5) **Razvoj telekomunikacijske infrastrukture za potrebe MUP-a KS**

- Najveći problem povezivanja svih sistema i objekata MUP-a KS kroz pouzdane i širokopojasne komunikacijske kanale (IP mreža-optička mreža)
- Rješavaju se problemi prenosa slike sa kamera za videonadzor, telefonije, radioveze, kriptozastite
- Vlastita infrastruktura ili zakup dovoljnih kapaciteta od provajdera telekomunikacijskih usluga

To bi bili ovi dugoročni ciljevi. Sada molim da pristupimo izjašnjavanju. Otvaram glasanje. Zaključujem glasanje.

22 J BILO ZA, NIKO NIJE BIO PROTIV NI SUZDRŽAN. TE KONSTATUJEM DA JE SKUPŠTINA USVOJILA OVE ZAKLJUČKE DUGOROČNE CILJEVE.

Zaključujem rad današnje sjednice. Hvala lijepo.